

醫

宗

必

讀

宛委山莊重校醫宗必讀卷之三

雲間李中梓士材父著

門人孫三錫黃緒父奈

姪孫李廷芳衛伯父訂

本草徵要上

本草太多令人有望洋之苦藥性太少有遺珠之憂茲以綱目為主刪繁去複獨存精要採集名論

藉附管窺詳加註釋比之珍珠囊極便於誦讀使學者但熟此帙已無遺用不必復事他求矣

草部

人參

味甘微溫無毒入肺脾二經茯苓爲使惡齒鹹反藜蘆畏五靈脂去蘆用其色黃中帶白大而肥潤者佳補氣

安神除邪益智療心腹寒痛除胸脇逆滿止消渴破堅積氣壯而胃自開氣和而食自化

人參得陽和之氣能回元氣於垂亡氣足則神安正旺則邪去益智者心氣強則善思而多智也真氣虛者中寒而痛胸滿而逆陽春一至寒轉爲溫否轉爲泰矣氣入金家金爲水

母渴藉以止矣破積消食者脾得乾健之運耳○按人參狀類人形功魁羣草第亦有不宣用者世之錄其長者遂忘其短摘其瑕者并棄其瑜或當用而後時或非宜而妄設不蒙其利祇見其害遂使良藥見疑于世粗工互騰其口良可憾也人參能理一切虛證氣虛者固無論矣血虛者亦不可缺無陽則陰無以生血脫者補氣自古記之所謂肺熱還傷肺者肺脉洪實火氣方逆血熱妄行氣尙未虛不可驟用痧痧初發身雖熱而斑點未形傷寒始作症未定而邪熱方熾若誤投之鮮克免者多用則宜通少用反壅滯

生地黃

味甘寒無毒入心肝脾腎四經惡貝母忌銅鐵菰藟藟藟藟藟血產懷炭黑而肥實者佳

涼血補陰

去瘀生新養筋骨益氣力理胎產主勞傷通二便消宿食心病而掌中熱痛脾病而痿廢貪眠

熟地黃性味畏忌俱同生地黃川砂鍋煎既成以荷葉煎生地黃酒調用縮砂仁粗末拌蒸蓋緊密文武火蒸半日
取起晒極乾如前又蒸九次
爲度令中心透熟純黑乃佳
滋腎水封填骨髓利血脈補益真
陰久病餘脛股酸痛新產後臍腹急疼

地黃合地之堅凝得土之正色爲補腎要藥益陰上品稟仲
冬之氣故涼血有功陰血賴養新者生則瘀者去血受補則
筋受榮腎得之而骨強力壯矣胎產勞傷皆血之愆血得其
養證因以痊腎開竅於二陰況血主濡之二便所以利也濕
熱盛則食不消地黃去溼熱以安脾胃宿滯乃化掌中應心
主痿歷乃脾熱奉君主而清其倉廩兩證可瘳矣熱者稍溫
其功更溥六味丸以之爲首天一所生之本也四物湯以之
爲君乙癸同源之義也久病陰傷新產血敗在所亟需按
生地黃性寒而潤胃虛食少脾虛瀉多均在禁例熱者性滯

若痰多氣鬱之人能蜜凝胸膈當斟酌用之薑酒拌炒生者不妨胃熱者不泥隔

天門冬

味甘寒無毒入肺腎二經地黃貝母爲使忌鹽頭去心用定喘定嗽肺痿肺癰是潤

燥之力也益精益髓消血消痰非補陰之力嗽善殺三蟲能通便

甘寒養陰肺腎虛熱之要藥也熱則生風熱清而風自去濕

乃濕熱熱化而濕亦除腎爲作強之官而主骨濕熱下流使

人骨痿善去濕熱故骨強也虛而內熱三蟲生焉補虛去熱

三蟲殺矣肺喜清肅火不乘金故曰保也咳嗽癰痿血痰燥

渴保肺之後莫不療之伏熱在中飲食不爲飢虐邪熱清而

肌膚得其養矣肺金不燥消渴自止氣化及於州都小便自

利按天門冬性寒而滑若脾虛而泄瀉惡食者大非所宜

卽有前證亦勿輕投

麥門冬

味甘微寒無毒入心肺二經地黃車前為退肺中伏火使惡欲冬花忌即魚肥白者佳去心川

止渴益精清心氣驚煩定血療欬

麥門冬稟秋金之微寒得西方之正色故清肺多功心火偏煩正如盛暑秋風一至炎蒸若失矣心主血心既清寧妄行者息脾受濕熱則肌肉腫而腸胃滿熱去即濕除腫滿者自愈金不燥則不渴金水生則益精按麥門冬與天門冬功用相當寒性稍減虛寒泄瀉仍宜忌之

白朮味苦甘溫無毒入脾胃二經防風為使忌桃李青魚產於滑者佳米泔水浸半日土蒸切片密水拌勻炒令褐色健脾進食消穀補中化胃經痰水理心下急滿利腰膈血結祛

周身淫痺君枳實以消痞佐黃芩以安胎

白朮甘溫得土之冲氣補脾胃之神聖也脾胃健於轉輸新穀善進宿穀善消土旺自能勝濕痰水易化急滿易解腰膈

間血周身之痺皆濕停為害濕去則安矣消痞者強脾胃之
 力安胎者化濕熱之功 按白朮贊云味重金漿芳踰玉液
 百邪外禦六府內充察草木之勝速益於己者並不及朮之
 多功也但陰虛燥渴便閉滯下肝腎有榮榮動氣者勿服
 蒼朮 味苦辛溫無毒入脾經畏惡同 白朮產茅山者佳泔浸蒸晒 燥濕消痰發汗解鬱除山
 嵐瘴氣弭火疹惡疾

蒼朮為濕家要劑痰與氣俱化辛溫快氣汗與鬱並解芳氣
 辟邪得天地之正氣者歟 按蒼朮與白朮功用相似補中
 逐之燥性過之無濕者便不敢用況於燥證乎

甘草 味甘平無毒入脾經白朮為使反大戟芫 花甘遂海藻惡遠志忌猪 肉令人腸痿 補脾以和中潤

肺而療痿止瀉退熱堅筋長肌解一切毒和一切藥稍止莖中
 作痛節腫毒諸瘡

外赤內黃備坤離之色味甘氣平滋茂已之功調和羣品有
元老之稱普治百邪得王道之用益陰除熱有稗金宮故咳
嗽咽痛肺痿均治也專滋脾土故瀉痢虛熱肌肉均賴也諸
毒遇土則化甘草爲九土之精故百毒化熱藥用之緩其熱
寒藥用之緩其寒理中湯用之恐其僭上承氣湯用之恐其
速下按甘能作脹故中滿者忌之嘔家忌甘酒家亦忌甘
黃者味甘微溫無毒入肺脾二經茯苓爲使補肺氣而實皮毛
欬汗托瘡解渴定喘益胃氣而去膚熱止渴生肌補虛治癆風
癰急需痘瘍莫缺

種種功勳皆是補脾實肺之力能理風癰者經謂邪之所湊
其氣必虛氣充於外邪無所容耳按黃耆實表有表邪者
勿用助氣氣實者勿用多怒則肝氣不和亦禁用也

遠志

味苦辛溫無毒入心腎二經畏珍珠藜蘆殺附子海蛤甘草湯浸透去水焙乾

定心氣止驚益智

補腎氣強志益精治皮膚中熱令耳目聰明

心君鎮定則震撼無憂靈機善運故止驚益智水府充盈則

堅強稱職閉蟄封藏故強志益精水旺而皮熱可除心安而

耳目自利按遠志水火並補殆交坎離而成既濟者耶本

功外善療癰毒敗服皆奇苦以泄之辛以散之力也

菖蒲

味辛溫無毒入心脾二經紫菀爲使惡麻黃忌硫磺宜肉勿犯鐵器令人吐逆石生細而節密者佳去毛微炒宜

五藏耳聰目明通九竅心開智長風寒濕痺宜求欬逆上氣莫

缺止小便利理膿窠瘡

菖蒲稟孟夏之氣合從草之辛芳香利竅辛溫達氣心脾之

良藥也故善宣通能除濕痺按菖蒲香燥陰血不足者禁之

惟佐地黃門冬之屬資其宣導臻於太和雷公云菖夏其

二件相似但氣味脾穢形如竹根

萎蕤

味甘平无毒入肺脾肝腎四經浸由麻蜜水拌蒸

潤脾而止嗽痰補脾而去濕熱

養肝而理背傷淚出益腎而除腰痛莖寒

萎蕤滋益陰精與地黃同功增長陽氣與人參同力潤而不滑和而不偏臂諸盛德之人無往不利

薯蕷

一名山藥味甘平無毒入心脾腎三經蒸透用

益氣長肌安神退熱補脾除渴痢

補腎止遺精

山藥得土之冲氣稟春之和氣故主用如上比之金玉君子但性緩非多用不效按山藥與薏同食不能益人

薏苡仁

味甘微寒無毒入肺脾二經潤淨晒炒

祛風濕理脚氣拘攣保燥金治痿

癰欬嗽渴痢不能缺也水脹其可廢平

薏仁得地之燥稟秋之涼能燥脾濕善祛肺熱

按大便

燥結因寒轉筋及妊娠者並禁之

木香

味辛溫無毒入肺脾肝三經生用理氣煨熟止瀉

平肝降氣鬱可開而胎可安健

胃寬

中食可消而痢可止何患乎鬼邪盛毒無憂於冷氣心疼

氣味純陽故辟邪止痛吐瀉停食脾疾也土喜溫燥得之即

效氣鬱氣逆肝疾也木喜疏通得之即平胎前須順氣故能

安胎

按木香香燥而偏於陽肺虛有熱血枯而燥者戒用

石薺

味甘平無毒入胃腎二經惡巴豆畏藜蘆酒浸酥半蒸

清胃生肌逐皮膚虛熱強腎

益精療脚膝痺弱厚腸止瀉安神定驚

入胃清濕熱故理痺證泄瀉入腎強陰故理精衰骨痛其安

神定驚兼入心也按石薺宜於湯液不宜入丸形長而細

且堅味甘不苦爲真誤用木薺味大苦傾之損人

牛膝

味苦酸平無毒入肝腎二經惡惡辛甘忌牛肉酒蒸

壯筋骨利腰膝除寒濕解拘攣

益精強陰通經墮胎理膀胱氣化遲難引諸藥下行甚捷

肝爲血海而主筋血海得補則經通而變急者解矣骨者腎所司也腰者腎之府也精者腎所藏也小便者腎所主也補腎則眾疾咸安墮胎者以其破血下行耳按牛膝主用多

在腎肝下部上焦藥中勿入氣虛下陷血崩不止者戒用

芎藭

味辛溫無毒入肝經
白芷爲使畏黃連

主頭痛而風淚出多涕寒痙筋攣去

閉生新調經種子長肉排膿小者名撫芎止利且開鬱

辛甘發散爲陽故多功於頭面血和則去舊生新經調而痙痺自解長肉排膿者以其爲血中氣藥也撫芎之止利開鬱亦上升辛散之力按芎藭性陽味辛凡虛火上炎嘔吐欬逆者忌之衍義云久服令人暴亡爲其辛喜歸肺肺氣偏勝金來賊木肺必受傷久則偏絕耳

當歸 味甘辛溫無毒入心肝脾三經 畏青蒿海藻生薑酒洗去蘆 去腸生新舒筋潤腸溫中

止心腹之痛養營療肢節之疼外科排膿止痛女科瀝血崩中

心主血脾統血肝藏血歸為血藥故入三經而主治如左本

經首言主欬逆上氣辛散之熱也頭止血尾破血身補血全

和血能引諸血各歸其所當歸之經故名當歸氣血昏亂服

之即定 按當歸善滑腸洩者禁用入吐血劑中須醋炒

白芍藥 味苦酸微寒無毒入肺脾肝三經惡石 藟芒硝畏酸甲小蘗及藜蘆煨熱酒焙 欬肺而主腹逆

喘欬腠理不固安脾而主中滿腹痛瀉痢不和制肝而主血熱

目疾脇下作疼赤者崙行惡血兼利小腸

收斂下降適合秋金故氣寧而汗止專入脾經血分能瀉肝

家火邪故功能頗多一言以蔽之欬氣涼血而已矣 按芍

藥之性未若蒼連之苦寒而寇氏云減芍藥以避中寒丹溪

云產後勿用芍藥恐酸寒伐生生之氣嗟乎藥之寒者行殺伐之氣違生長之機雖微寒如芍藥古人猶諄諄告戒況大苦大寒之藥其可肆用而莫之忌耶

五味子

味甘酸核中苦辛鹹溫無毒入肺腎二經從蓉爲使惡萎蕤藥生用補藥微焙遠東肥潤者佳 滋腎

經不足之水強陰瀉精除熱解渴收肺氣耗散之金療欬定喘
斂汗固腸

潔古云夏服五味使人精神頓加兩足筋力涌出東垣云收
腫神散大火熱必用之藥丹溪云收肺保腎乃火嗽必用之
藥五味功用雖多收肺保腎四字足以盡之 按五味乃要
藥人多不敢用者冠氏虛熱之說誤之耳惟風邪在表炒
初發一切停飲肺家有實熱者皆當禁之

丹參

味苦微寒無毒入心經畏鹹水反藜蘆

安神散結益氣養陰去開血生新血

安生胎落死胎胎前產後帶下崩中

色合丙丁獨入心家專主血證古稱丹參一味與四物同功

加其補陰之勳也

按丹參雖能補血長於行血妊娠無故

沙參

味苦微寒無毒入肺經惡防己反藜蘆

主寒熱欬嗽胸痺頭痛定心內驚煩

退皮間邪熱

氣輕力薄非肩弘任大之品也人參甘溫體重專益肺氣補陽而生陰沙參甘寒體輕專清肺熱補陰而制陽按沙參性寒藏府無實熱及寒客肺經而嗽者勿服

玄參

味苦鹹微寒無毒入腎經惡黃耆乾薑大棗山茱萸反菴藟忌銅器蒸過晒乾黑潤者佳補腎益精退

熱明目傷寒癰毒癆證骨蒸解煩渴利咽喉外科瘰癧癰疽女科產乳餘疾

色黑味鹹腎家要藥凡益精明目退熱除蒸皆壯水之效也

至如咽痛煩渴痲毒癰瘡皆肺病也正爲水虛火亢金受賊邪第與壯水陽燄無光已產乳餘疾亦屬陰傷故應並主

按玄參寒滑胛虛洩瀉者禁之

苦參

味苦寒無毒入腎經玄參爲使惡貝母除熱祛濕利水固

齒癰腫瘡瘍腸澼下血

味苦性寒純陰之品故理濕熱有功瘡毒腸澼皆濕蒸熱鬱之愆宜其咸主齒乃骨之餘清腎者自固耳按苦參大苦

大寒不惟損胃兼且寒精向非大熱惡敢輕投

知母

味苦寒無毒入肺腎二經忌鐵器肥白者佳去毛鹽酒炒透清肺熱而消痰損欬瀉腎

火而利水滑腸肢體腫浮爲上劑傷寒煩熱號神良

瀉腎家有餘之火是其本功至夫清金治腫諸效良由相火不炎自當馴致也按知母陰寒不宜多服近世理癆尊爲

上品往往致泄瀉而斃故腎虛陽痿脾虛瘡洩不思食不化食者皆不可用

貝母味辛苦微寒無毒入心肺二經厚朴爲使消痰潤肺滌熱
畏秦艽反烏頭去心糯米拌炒米熟爲度
清心喘欬紅痰要矣胸中鬱結神哉

辛宜歸肺苦宜歸心大抵心清氣降肺賴以寧且潤而化痰故多功于西方也按汪機曰俗以半夏燥而有毒代以貝母不知貝母治肺金燥痰半夏治脾土濕痰何可代也脾爲濕土故喜燥肺爲燥金故喜潤若痰在脾經誤用貝母之潤投以所惡可翹首待斃故寒痰濕痰風痰食積痰腎虛水泛爲痰均非貝母所司也

紫菀味苦辛溫無毒欬冬花爲使惡遠志畏茵陳洗淨蜜水炒
主痰喘上氣屍注勞傷欬吐膿血通利小腸

苦能下達辛可益金故吐血保肺收爲上品雖入至高善於下趨使氣化及于州都小便自利人所不知 按紫菀辛溫

暫用之品陰虛肺熱者不宜專用多用須地黃門冬其之

百合

味甘微寒無毒入心肺二經花白者入藥保肺止咳驅邪定驚止涕淚多

利大便

君主鎮定邪不能侵相傳清肅欬嗽可療涕淚肺肝熱也二便不通腎經熱也清火之後復何患乎仲景云行住坐臥不定如有神靈謂之百合病以百合治之是亦清心安神之效歟 按百合通二便中寒下陷者忌之

天花粉

味苦寒無毒入心脾二經向地爲使惡乾薑畏牛膝乾漆反烏頭

止渴退煩熱消痰通

月經排膿散腫利膈清心實名栝樓主癰結胸其子潤肺

主化痰

消痰解熱是其職專通經者非若桃仁薑黃之直行血分熱

清則血不閉耳舊稱補虛亦以熱退爲補不可不察 按天

花粉稟清寒之氣脾胃虛寒及洩瀉者忌用

續斷

味苦辛微溫無毒入肝經補勞傷續筋骨破關結利關節

縮小便止遺洩瘰癧宜收胎產莫缺

補而不滯行而不洩故外科女科取用宏多也 按雷公云

草茆根似續斷誤服令人筋軟

秦艽

味苦辛平無毒入肝胃二經祛風活絡養血舒筋骨蒸黃

疸利水通淋

秦艽長於養血故能退熱舒筋治風先治血血行風自滅故

療風無問久新入胃祛濕熱故小便利而黃疸愈也 按下

部虛寒及小便不禁大便滑者忌用

木通

味辛甘淡平無毒入心小治五淋宣九竅殺三蟲利關節

通血脉開關格行經下乳催生墮胎

通草味淡專利小便下乳催生

功用雖多不出宣通氣血四字東垣云甘淡能助西方秋氣
下降專洩氣滯肺受熱邪氣化之源絕則寒水斷流宜此治
之君火爲邪宜用木通相火爲邪宜用澤瀉利水雖同用各
有別 按木通性通利精滑氣弱內無濕熱妊娠者均忌
澤瀉味甘鹹微寒無毒入腎膀胱主水道不通淋瀝腫脹能止
洩精善去胞垢

種種功能皆由利水何以又止洩精乎此指濕火爲殃不爲
虛滑者言也李時珍曰八味丸用澤瀉者古人用補必兼瀉
邪邪去則補劑得力專一於補必致偏勝之害也 按澤瀉
善瀉古稱補虛者誤矣扁鵲謂其害眼者確也病人無濕腎
虛精滑自虛不明切勿輕與

車前子味甘寒無毒入肺肝利水止瀉解熱催生益精明目開

竅通淋用其根葉行血多靈

利水之品乃云益精何也男女陰中各有二竅一竅通精乃命門真陽之火一竅通水乃膀胱濕熱之水二竅不並開水竅開則濕熱外洩相火常寧精竅常閉久久精足精足則目明明醫雜錄云服固精藥久服此行房卽有子 按陽氣下陷腎氣虛脫勿入車前

篇蓄

味苦平無毒入膀胱經

利水治癰淋殺蟲理瘡疾

治癰及瘡皆去濕熱也

按篇蓄直達不能益人不宜恒用

燈心

味淡平無毒入心小腸二經

清心必用利水偏宜燒灰吹喉痺塗乳治

夜啼

粳粉漿之曬乾爲末入水淘之浮者是燈心 按中寒小便不禁者忌之

草薺味苦平無毒入胃肝二經故主風寒濕痺腰膝作疼既

可去膀胱宿水反能止失弱便頻

主用皆祛風濕補下元楊子建曰小便頻數內痛必大腑熱
閉水液只就小腸大腑愈加燥竭因強忍房事有痰腐墮於
小腸故痛此與淋證不同宜鹽炒草薺一兩煎服以葱湯洗
穀道卽愈腎受土邪則水衰肝挾相火來復母仇得草薺滲
濕則土安其位水不受侮矣按草薺本除風濕如陰虛火
熾溺有餘瀝及無濕而腎虛腰痛皆禁菝葜土茯苓與草
薺形雖不同主治相倣總之除濕祛風分清去濁惡瘡化毒
又能補下焦忌茗醋

白薺味苦寒無毒入脾經主筋變死肌化濕熱毒瘡

地之濕氣感則皆人皮肉筋脉白薺皮善除濕熱故療肌死

筋蟻瘡毒

按下部虛寒之人雖有濕證弗敢餌也

金銀花

味甘平無毒人解熱消癰止痢寬膨

稟春氣以生性極中和故無禁忌今人但入瘡科忘其治痢與服何金銀花之蹇於遇乎

甘菊花

味甘微寒無毒入肺胃二主胸中熱去頭面風死肌濕

癩目淚頭疼

獨稟金精善制風木高巔之上惟風可到故主用多在上部

目者肝之竅也淚者肝之熱也宜其療矣

升麻

味甘苦平無毒入肺脾大腸四經青色者佳忌火解百毒殺精鬼辟疫瘧止喉疼

頭痛齒痛口瘡癰瘡散陽明風邪升胃中清氣

稟極清之氣升於九天得陽氣之全者也故殺鬼辟邪頭喉口齒皆在高巔之上風邪癰瘡皆在清陽之分總獲其升清

之益凡氣虛下陷如瀉痢崩淋脫肛遺濁須其升提虛人之
氣升少降多內經曰陰精所奉其人壽陽精所降其人夭東
垣取入補中湯獨窺其微矣按升麻屬陽性升凡吐血鼻衄
欬嗽多痰陰虛火動氣逆嘔吐怔忡癲狂切勿誤投

柴胡

味苦微寒
經惡皂莢

無毒入肝胆二
畏藜蘆忌見火

主傷寒瘧疾寒熱往來嘔吐脇

痛口苦耳聾痰實結胸飲食積聚心中煩熱熱入血室目赤頭
痛濕痺水脹肝勞骨蒸五疳羸熱

稟初春微寒之氣春氣生而升為少陽胆經表藥胆為清淨
之府其經在牛表半裏不可汗不可吐不可下法當和解小
柴胡湯是也邪結則有煩熱積聚等證邪散則自解矣肝為
春令至於升陽故陽氣下陷者不可缺主治多端不越乎肝
胆之咎去水脹濕痺者風能勝濕也治勞與疳證乃銀州柴

胡別爲一種 按柴胡少陽經半表半裏之藥病在太陽者服之太早則引賊入門病在陰經者復用柴胡則重傷其表世俗不知柴胡之用每遇傷寒傳經未明以柴胡湯爲不汗不吐不下可以藏拙輒混用之殺命不可勝數矣勞證惟在肝經者用之若氣虛者不過些小助參耆非用柴胡退熱也若遇癆證便用柴胡不死安待惟此一味貽禍極多表而出之前胡味苦微寒無毒入肺脾胃大腸散結而消痰定喘下氣以消食安胎

時珍曰前胡主降與柴胡上升者不同氣降則痰亦降矣安胎化食無非下氣之力耳前胡去風痰與半夏治濕痰貝母治燥痰者各別也 按前胡治氣實風痰凡陰虛火動之痰及不因外感而有痰者法當禁之

獨活 味苦甘平無毒八小腸膀胱肝腎四經 風寒濕痺筋骨痠疼頭旋掉眩頸項難伸

本入手足太陽表裏引經又入足少陰厥陰小無不入大無不通故既散八風之邪兼利百節之痛時珍曰獨活羌活乃一類二種中國者爲獨活色黃氣細可理伏風西羌者爲羌活色紫氣雄可理遊風 按獨活羌活皆主風疾若血虛頭痛及遍身肢節痛誤用風藥反致增劇

細辛

味辛溫無毒入心小腸二經惡黃耆山茱萸畏滑石反藜蘆

風寒濕痺頭痛鼻塞下氣

破癥頭面遊風百節拘攣齒痛目淚

味辛性溫稟升陽之氣而爲風劑辛香開竅故主療如上單服未至一錢令人悶絕辛藥不可多用也 按細辛燥烈凡血虛內熱因成頭痛欬嗽者痛戒之

芫蔚子 味辛 性寒 無毒 入肝經 忌鐵 明目益精行血除水藥名益母功用相當

補而能行辛而能潤為胎產要藥 按子與葉皆善行走凡

崩漏及瞳神散六者禁用

防風 味甘 辛 溫 無毒 入肺小腸膀胱三經 畏草 大風惡風風邪

周痺頭面游風眼赤多淚

能防禦外風故名防風乃風藥中潤劑也卑賤之卒隨所引

而至瘡科多用之為其風濕交攻耳。按防風瀉肺實肺虛

有汗者勿犯

荆芥 味辛 溫 無毒 入肝經 反驢 主癰癧結聚於血濕癰散風熱

清頭目利咽喉消瘰毒

長於治風又兼治血何也為其入風木之藏即是血海故並

主之今人但遇風證驟用荆防此流氣散之相沿耳不知風

在皮裏膜外者宜之非若防風入人骨肉也

紫蘇

味辛溫無毒人肺經

溫中達表解散風寒梗能下氣安胎子可

定喘

俗喜其芳香且募資食不知泄真元之氣古稱芳草致豪貴

之疾紫蘇有焉

按氣虛表虛者禁用藥腸滑氣虛者禁用

于慎之

薄荷

味辛溫無毒入肺經產蘇州者良

去風熱通關節清頭目定霍亂消食下

氣貓咬蛇傷傷寒舌胎和蜜擦之

發汗解表故去風清熱利於頭面辛香開氣脹滿霍亂食滯

者並主之

按薄荷辛香伐氣多服損肺傷心

乾葛

味甘平無毒入胃經

主消渴大熱嘔吐頭痛生用能墮胎蒸熟化酒

毒止血痢散鬱火

跡其治驗皆在陽明一經止痢者升舉之功散鬱者火鬱則

發之義也仲景治太陽陽明合病桂枝加麻黃葛根又有葛根苓連解肌湯用以斷太陽入陽明之路非卽太陽藥也頭痛乃陽明中風宜葛根蔥白湯若太陽初病未入陽明而頭痛者不可便服以發之是引賊入家也東垣曰葛根鼓舞胃氣上行治虛瀉之聖藥風藥多燥葛根獨止渴者以其升胃家下陷上輸肺金以生水耳按上盛下虛之人雖有脾胃病亦不宜服

麻黃味苦溫無毒入心肺膀胱大腸四經厚朴爲使惡辛夷石膏去根節水煮去沫專司冬令寒邪頭疼身熱者強去營中寒氣泄衛中風熱

輕可去實爲發散第一藥惟在冬月在表真有寒邪者宜之或非冬月或無寒邪或寒邪在裏或傷風等證雖發熱惡寒不頭疼身疼而拘急六脈不浮緊者皆不可用雖可汗之證

亦不宜多服汗為心液若不可汗而汗與可汗而過汗則心

血為之動矣或亡陽或血溢而成大患可不慎哉麻黃乃大

入肺經肺主皮毛為根乃陽明經藥兼

入脾經脾主肌肉為散雖同所入迥異

白芷味辛溫無毒入肺門太腸三頭風目淚齒痛眉疼肌膚搔

癢嘔吐不衛女人赤白帶下諸家止痛排膿

色白味辛行手陽明庚金性溫氣厚行足陽明戊土芳香上

達入手太陰辛金肺者庚之弟戊之子也故主治不離三經

按白芷燥能耗血散能損氣有虛火者勿用癰疽已潰宜

漸減去

藥本味辛溫無毒入風家顛頂作痛女人陰腫疝疼

辛溫純陽獨入太陽理風寒疝瘕陰痛皆太陽經寒濕為邪

按頭痛挾內熱者及傷寒發於春夏陽證頭痛不宜進也

天麻味辛平無毒入肝經酒浸煨熟焙乾風虛眩運麻痺不仁語言蹇澀腰膝軟
疼殺精魅蠱毒理驚氣風癇

肝爲風木之藏藏血主筋獨入肝經故主治如上 按天麻

雖不甚燥畢竟風劑助火若血虛無風者不可妄投

香薷味辛微溫無毒入肺胃二經忌見火主霍亂水腫理暑氣腹疼

治乘涼飲冷陽氣爲陰邪所遏以致頭疼發熱煩躁口渴吐

瀉霍亂宜用之以發越陽氣散水和脾則愈若勞役受熱反

用香薷是重虛其表而又濟之以溫則大誤矣 按香薷及

夏月解表之劑無表邪者戒之

黃連味苦寒無毒入心經龍骨連翹爲使惡菊花玄參羌活白

藜皮白殭蠶畏款冬牛膝解巴豆附子毒忌豬肉薑汁炒
瀉心除痞滿明目理痞瘍痢疾腹痛心痛驚煩殺蠱安虵利水

厚腸

稟天地清寒之氣直瀉丙丁痞滿目疾瘡瘍驚痛南方亢上
之氣泄痢虺蟲濕熱之愆苦以燥之寒以清之固宜痊也轉
悉曰黃連與官桂同行能使心腎交於頃刻時珍曰香連丸
用黃連末香水火散用黃連乾薑左金丸用黃連吳茱萸薑
黃散用黃連生薑曰瘡方用黃連細辛皆一冷一熱寒因熱
用熱因寒用陰陽相濟最得制方之妙 按素問曰五味入
胃各歸所喜攻久而增氣物化之常氣增而久天之由也王
冰註云增味益氣如久服黃連反熱從火化也蓋大苦大寒
行隆冬肅殺之令譬如皐陶明刑執法是其職也稷契夔龍
之事非其任矣故第可蕩邪滌熱焉能濟弱扶虛如脾虛血
少以致黧煩痘瘡氣虛作瀉行漿後洩瀉腎虛人五更洩瀉
陰虛煩熱脾虛發瀉法咸禁之

胡黃連

味苦寒無毒入肝胆二經惡菊花玄參忌猪肉折之塵出如烟者真

主虛家骨蒸久痢醫

小兒疳積驚癇

清肝胆之熱與黃連略似但產於胡地者也按胡黃連大

苦大寒脾虛血弱之人雖見如上諸證亦勿輕投必不得已

須與補劑同施

黃芩

味苦性寒無毒入肺大腸二經山茱萸龍骨為使畏丹砂牡蠣藜蘆酒浸蒸熟曬之

肺部而止嗽化痰并理目赤疔癰堅實而細者瀉大腸而除濕

治痢兼可安胎利水

苦能燥濕苦能泄熱苦能下氣故治療如右輕瀉者上行堅

重者下降不可不別也楊仁齋謂柴胡退熱不及黃芩不知

柴胡苦以發之散火之標黃芩寒以勝熱折火之本按黃

寒傷胃證挾虛寒者均宜戒之女人虛胎亦不宜與

龍膽草

味苦

大寒無毒入肝

主肝胆熱邪清下焦濕火腸中

小蟲癰腫嬰兒客忤驚疳

稟純陰之氣但以蕩滌肝胆之熱爲職按龍胆大苦大寒

譬之嚴冬黯淡慘肅冰凌盈谷萬卉彫殘人身之中詎可令

此氣常行乎先哲謂苦寒伐標宜暫不宜久如聖世不廢刑

罰所以佐德意之窮非氣壯實熱之證率爾輕投其敗必矣

何首烏

味苦澁微溫無毒入肝腎二經茯苓爲使忌諸血無鱗

補眞陰而理虛癆益精髓而能續嗣強筋壯骨黑髮悅顏消

諸種癰瘡療陰傷久瘡治崩中帶下調產後胎前

昔有老叟何姓者見有藤夜交掘而服之鬚髮盡黑故名何

首烏後因陽事大舉屢生男子改名能嗣由是則滋陰種嗣

信不誣矣補陰而不滯不寒強陽而不燥不熱稟中和之性

而得天地之純氣者歟 按何首烏與白羅蔔同食能令髮

髮早白犯跌氣損人謹之

桔梗

味苦辛平無毒入肺經畏白芨龍胆草泄瀉去蘆微焙

清肺熱以除癰瘻通鼻塞而

理咽喉排膿行血下氣消痰定痢疾腹痛止胸脇煩疼

桔梗為舟楫之劑引諸藥上至高之分以成功肺經要藥也

風症鬱證肺證皆不可缺 按桔梗功著於華蓋之藏攻補

下焦藥中不可入也

藿香

味辛微溫無毒入脾肺二經

溫中開胃行氣止嘔

稟清和芳烈之氣為脾肺達氣要藥 按楞嚴經謂之兜婁

婆香取其芳氣今市中售者不甚芳香或非真種若陰虛火

旺胃熱作嘔法當戒用

香附

味苦微溫無毒入肺經開鬱化氣發表消痰腹痛胸熱胎產

稟天地溫燥之氣入人身金木之宮血中之氣藥也 按韓
飛霞稱香附於氣分爲君藥統領諸藥隨用得宜乃氣病之
總司女科之主帥也性燥而苦獨用久用反能耗血如上所
述之功皆取其治標非治本也懼燥密水炒懼散醋炒之
白豆蔻味辛溫無毒入肺
胃二經去衣微焙溫中除吐逆開胃消飲食瘧證宜投
目翳真缺

感秋燥之令得平地之火金味辛氣溫爲寬中去滯之需翳
膜遮睛亦滯氣也 按豆蔻辛溫火升作嘔因熱腹痛者忌
草豆蔻味辛溫無毒入肺脾
胃三經去膜微炒散寒止心腹之痛下氣驅逆滿之
疴開胃而理霍亂吐瀉攻堅而破噎膈癥瘕

辛能破滯香能達脾溫能散寒 按草豆蔻辛燥犯血忌陰
不足者遠之

草果

味辛溫入胃經

破瘧癘之瘧消痰食之愆

氣猛而濁如仲田未見孔子時氣象

按瘧不由于嵐瘴氣

不實邪不盛者並忌

肉豆蔻

味辛溫入胃大腸二經

溫中消食止瀉止痢心疼腹痛

辟鬼殺蠱

丹溪云屬金與土日華稱其下氣以脾得補而善運氣自下

也非若陳皮香附之泄耳 按肉菓性溫病人有火瀉痢初

起皆不宜服

縮砂仁

味辛性溫無毒入肺脾胃大小腸腎六經炒去衣

下氣而止欬嗽奔豚化食而

理心疼嘔吐霍亂與瀉痢均資鬼疰與安胎並效

芳香歸脾辛能潤腎開脾胃要藥和中氣正品若腎虛氣不

歸元非此向導不濟鬼畏芳香胎喜疎利故主之 按砂仁

性燥血虛火炎者不可過用胎婦食之太多耗氣必致產難
玄胡索味辛溫無毒入肺肝二經酒炒破血下氣止腹痛心忡調經利產主血
暈崩淋

行血中氣滯氣中血滯理通身諸痛療疰舒筋乃活血化氣
之神藥也 按玄胡索走而不守惟有關滯者宜之若經事
先期虛而崩漏產後血虛而暈萬不可服

薑黃味苦辛溫無毒入肝脾二經破血下氣散腫消癰

辛散苦洩故專功於破血下氣其旁及者耳別有一種片薑
黃止臂痛有效 按血虛者服之病反增劇

鬱金味辛苦寒無毒入肺肝胃三經血積氣壅真稱仙劑生肌定痛的是神丹

能開肺金之鬱故名鬱金物罕值高肆中多偽折之光明脆
徹必苦中帶甘味者乃真 按鬱金本入血分之氣藥其治

吐血者爲血之上行皆屬火炎此能降氣氣降卽火降而性
又入血故能導血歸經如真陰虛極火亢吐血不關肝肺氣
逆不宜用也用亦無功

蓬莖莖

味甘辛溫無毒酒炒

積聚作痛中惡鬼疰婦人血氣丈夫奔豚

氣不調和臟腑壅滯陰陽乖隔疝瘕之蓬莖利氣達竅則
邪無所容矣按蓬莖誠爲磨積之藥但虛人得之積不去
而真已竭重可虞也或與健脾補元之藥同用乃無損耳

京三稜

味苦平無毒入肝經酒炒

下血積有神化堅癥爲水

昔有患癖死者遺言開腹取視得癖塊堅如石文理五色人
謂異物竊作刀柄後以刀刈三稜柄治成水故治癖多用焉
按潔古謂三稜瀉真氣虛者勿用東垣五積諸方皆有人
參贊助如專用克削脾胃愈虛不能運行積安得去乎

欵冬花

味辛性溫無毒入肺經杏仁爲使惡玄參畏貝母辛夷麻黃黃耆連翹甘草黃芩蜜水炒化痰則喘

嗽無憂清肺則癰痿有賴

雪積水堅欵花偏艷想見其純陽之稟故其主用皆辛溫開
豁也却不助火可以久任

茅根

味甘寒無毒入肺經

涼金定喘治吐衄并血瘀利水通淋祛黃疸及

癰肺芽針消癰茅花止血

甘寒可除內熱性又入血消閼且下達州都引熱下降故吐
血衄血者急需之針能潰癰每食一針卽有一孔二針二孔
大奇按吐衄有因於寒有因於虛者非所宜也

白前

味甘平無毒入肺經甘草湯泡去鬚焙

療喉間喘呼欲絕寬胸中氣滿難舒

感秋之氣得土之味清肺有神喉中作水雞聲者服之立愈

按白前性無補益肺實邪壅者宜之否則忌也

淡竹葉

味淡寒無毒入小腸經

專通小便兼解心煩

淡味五臟無歸但入太陽利小便小便利則心火因之而清

也按淡竹葉有走無守不能益人孕婦禁服

冬葵子

味甘寒無毒入膀胱經

能催生通乳疏便閉諸淋

氣味俱薄淡滑爲陽故能利竅按無故服冬葵必有之損真

萱花

味甘平無毒入心經

長於利水快隔令人歡樂忘憂

萱古作諛詩云焉得諛草卽此種也諛忘也欲樹之以忘憂

也娠婦佩之生男又名宜男

地榆

味苦寒無毒入肝經

止血痢腸風除帶下五漏

味苦而厚沉而降善主下焦血證兼去濕熱按地榆寒而

下行凡虛寒作瀉氣虛下陷而崩帶者法並禁之

蒺藜

味甘溫無毒入腎經

酒炒去刺補腎止遺消風勝濕產沙苑者強陰益精

沙苑蒺藜市多偽者狀如腎子帶綠色咬之作生豆氣者真

按沙苑蒺藜性能固精若陽道數舉精難出者勿服

半夏

味辛溫有毒入心脾胃三經紫胡爲使惡皂莢畏雄黃

膽甲反烏頭忌羊血海藻節水浸五日每日換水去涎
汁乾爲度消痰燥濕開胃從脾欬逆嘔吐頭眩昏迷痰厥頭痛
心下滿堅消癰可也墮胎有焉

汪機曰脾胃溼熱涎化爲痰此非半夏曷可治乎若以貝母
代之翹首待斃時珍曰脾無溼不生痰故脾爲生痰之源肺
爲貯痰之器半夏治痰爲其體滑辛溫也涎滑能潤辛溫能
散亦能潤故行濕而通大便利竅而泄小便所謂辛走氣能
化液辛以潤之是已丹溪謂半夏能使大便潤而小便長成
無已謂半夏行水氣而潤腎燥局方半硫丸治老人虛秘皆
取其滑潤也俗以半夏爲燥不知濕去則土燥痰涎不生非

其性燥也但恐非濕熱之邪而用之是重竭其津液誠非所

宜按半夏主治最多莫非脾濕之證苟無濕者均在禁例

古人半夏有三禁謂血家渴家汗家也若無脾濕且有肺燥

誤服半夏悔不可追責在司命謹諸戒諸

南星

味苦辛溫有毒入肝脾二經畏附子乾薑生薑冬月研末入牛胆中懸風處

風痰痲痺堪醫破

血行胎可慮

南星入肝去風痰性烈而燥得牛胆則燥氣減得火炮則烈

性緩按南星治風痰半夏治濕痰功用雖類而實殊也非

西北人真中風者勿服

附子

味辛甘熱有毒入脾腎二經畏防風黑豆甘草黃耆人參

皮切作四片童便重一兩以上燉而孔節稀者佳童便浸一日去

草湯同煮汁盡爲度烘乾補元陽益氣力墮胎孕堅筋骨心腹

冷疼寒濕跛躄足膝痲軟堅癭癰瘰

冬採爲烏頭主風疾

主治繁衆皆由風寒濕三氣所致邪客上焦欬逆心痛邪客中焦腹痛積聚邪客下焦腰膝脚痛附子熱而善走諸證自瘥也潔古曰益火之源以消陰翳則便溺有節丹溪云氣虛熱甚稍加附子以行參耆之功肥人多濕亦用之虞搏曰稟雄壯之質有斬關之能引補氣藥以追散失之元陽引補血藥以養不足之真陰引發散藥以驅在表風邪引溫煖藥以除在裏寒濕吳綬曰傷寒傳變三陰及中寒夾陰身雖大熱而脉沉者必用之厥冷腹痛脉沉而細唇青囊縮者急用之近世往往不敢用直至陰極陽竭而後議用晚矣 按附子退陰益陽祛寒濕之要藥也若非陰寒濕陽虛氣弱之病而誤用於陰虛內熱禍不旋踵

天雄

味辛熱有毒入腎經遠志爲使惡乾薑製同附子

除寒濕痿躄強陰壯筋骨

烏附天雄皆補下焦陽虛若是上焦陽虛卽屬心肺當用參耆不當用天雄烏附天雄之尖皆向下其臍乃向上生苗之處寇氏謂其不肯就下潔古謂補上焦陽虛俱誤認尖爲向上耳丹溪以爲下部之佐者庶幾得之按陰虛者禁同附子白附子味辛溫有毒入胃經炮去皮臍中風失音消痰去濕

白附子引藥上行與黑附子非一類也 按白附子燥藥也似中風證雖有痰亦禁用小兒慢驚勿用

蚤休

味苦寒有毒入肝經專理癰毒兼療驚癇

一名重樓金線歌云七葉一枝花深山是我家癰疽如遇此一似手拈拏 按蚤休中病卽止不宜多用

大黃

味苦寒有毒入脾胃肝大腸四經黃芩爲使無所畏錦紋者佳瘀血積聚留飲宿食痰實

結熱水腫痢疾

大黃乃血分之藥若在氣分是謂誅伐無過矣仲景瀉心湯治心氣不足而吐衄者乃心氣不足而胞絡肝脾與胃邪火有餘雖曰瀉心實瀉四經血中伏火也又心下痞滿按之軟者用大黃黃連瀉心湯亦瀉脾胃濕熱非瀉心也病發於陰而下之則痞滿乃寒傷營血邪氣乘虛結於上焦胃之上脘在於心故曰瀉心實瀉脾也病發於陽而下之則結胸乃熱邪陷入血分亦在上脘大陷胸湯丸皆用大黃亦瀉脾胃血分之邪也若結胸在氣分只用小陷胸湯痞滿在氣分只用半夏瀉心湯成氏註釋未能分別此義按大黃雖有撥亂反正之功然峻利猛烈長驅直搗苟非血分熱結六脈沉實者切勿輕與推蕩

商陸味辛性平有大毒入脾經銅刀刮去皮水浸一宿黑豆拌蒸水滿蠱脹通利二便

按商陸行水有排山倒岳之勢胃弱者痛禁赤者搗爛入麝少許貼臍卽能利便消腫腫因脾虛者多若誤用之一時雖效未幾再作決不可救

水脹

芫花

味苦溫有毒入肺脾腎三經反甘草陳久者良好醋煮過晒乾則毒減

主痰癥飲癖行蠱毒

仲景治太陽證表不解心下水氣乾嘔喘欬或利者用小青龍湯表已解頭痛出汗惡寒心下水氣乾嘔脇痛或喘欬者用十棗湯蓋小青龍治未解之表使水氣從毛竅出開鬼門也十棗湯攻裏使水氣從二便出潔淨府也夫飲有五皆因內噉水漿外受濕氣流於肺則爲支飲流於肝則爲懸飲流於心則爲伏飲流於腸胃則爲痰飲流於經絡則爲溢飲或作腫脹芫花大戟甘遂能直達水飲窠囊隱癖之處

按毒性至緊取效極捷稍涉虛者多致夭折

大戟

味苦辛寒有毒入脾經赤小豆爲使惡山藥畏菖蒲反甘草水煮軟去骨用

驅逐水蠱疏通血

開發汗消癰除二便閉

苦能直泄故逐血行水辛能橫散故發汗消癰 按大戟陰

寒善走大損真氣若非元氣壯實水濕留伏烏敢浪施

甘遂

味苦甘寒有毒瓜蒂爲使惡遠志反甘草麴畏煨熱

逐留飲水脹攻痞熱疝瘕

水結胸非此不除仲景治心下留飲與甘草同行取其相反而立功也凡水腫以甘遂末塗腹邊臍內服甘草湯其腫便消二物相反而感應如神 按甘遂去水極神損真極速大實大水可暫用之否則禁止

續隨子

味辛溫有毒入腎經去殼研細布包去油

主血結月閉療血蠱癰瘕一名千金子

辛溫有毒之品攻擊猛擊月閉等症各有成病之由當求其

本不可槩施 按脾虛便滑之人服之必死

蓖麻子

味甘性平有毒

口眼不正瘡毒腫浮頭風脚氣癰癰丹瘤胞衣

不下子腸不收

如前諸証皆從外治不經內服以其長於吸收能拔病氣出外凡服蓖麻一生不得食豆犯之脹死

射干

味苦平有毒入肺經

清欬逆熱氣損喉痺咽疼

洩熱散結多功於上焦 按射干雖能洩熱不能益陰故別

錄云久服令人虛虛者大戒

常山

味辛苦寒有毒入肝經

酒炒透療痰飲有靈截瘧疾必效

瘧證必有黃涎聚於胸中故曰無痰不成瘧也弦脈主痰飲故曰瘧脈自弦常山去老痰積飲故爲瘧家要藥必須好酒久炒令透不爾使人吐也 按常山猛烈施之藿食者多效

若肉食之人稍稍挾虛不可輕入

馬兜鈴

味苦寒無毒入肺經焙

清金有平欬之能滌痰有定喘之效

體性輕揚有功於至高之臟根名青木香塗諸毒熱腫按

肺虛挾寒者畏之如螫

巴戟天

味甘溫無毒入腎經覆盆子爲使畏丹參酒浸焙

安五臟以益精強筋骨而起

陰

補助元陽則腎氣滋長諸虛自熄按陰虛相火熾者禁用

百部

味甘微溫無毒入肺經

肺寒必嗽傳屍骨蒸殺蛔蟲寸白除蠅蝨蟻

與天門冬形相類而用相倣故名野天門冬但天門冬治肺

熱此治肺寒爲別也按脾胃虛人須與補藥同用恐其傷

胃氣又恐其滑腸也

旋覆花

味鹹甘微溫無毒入肺大腸二經去蒂焙

老痰堅硬結氣留飲風氣濕痺利

腸通脈一名金沸草

鹹能軟堅故能祛老痰結積風溼燥結之療溫能解散鹹可潤下也 按丹溪云走散之藥虛者不宜多服冷利大腸虛寒人禁之

紅花

味辛溫無毒入心肝二經酒噴微焙

產後血暈急需胎死腹中必用

時珍曰活血潤燥行血之要藥也 按紅花過用使人血行不止人所未知

大薊小薊

味甘溫無毒入心肝二經

崩中吐血衄瘀血停留

二薊性味主療皆同但大薊兼主癰疽也 按二薊破血之外無他長不能益人

夏枯草

味苦辛寒無毒入肝經土瓜爲使

療癰鼠瘻目痛蓋明

辛能散結苦能泄熱獨走厥陰明目治癰 按夏枯草久用

亦傷胃家

葫蘆巴

味苦熱無毒入腎膀胱二經海澤酒焙

元臟虛寒膀胱疝氣

寒濕成疝肝疾也元臟煖則筋自和而疝愈此腎肝同治乙

癸同源之理也按相火熾盛陰血虧少者禁之

牛旁子

味辛平無毒入肺經酒炒研

宣肺氣理痘癰消咽喉散癰腫一名鼠粘子一

實名惡

開毛竅除熱毒爲痘癰要藥按牛旁子性冷而滑惟血熱

便閉者宜之否則忌用

肉蓯蓉

味甘鹹溫無毒入腎經酒洗去甲

益精壯陽事補傷潤大腸男子血瀝

遺精女人陰疼帶下

滋腎補精之首藥但須大至筋許不腐者佳溫而不熱補而不驟故有從容之名別名黑司命亦多其功力之意云按

從蓉性滑洩瀉及陽易舉而精不固者忌之

鎖陽

味甘鹹溫無毒入腎經

強陰補精潤腸壯骨

輟耕錄云蛟龍遺精入地久之則發起如筭上豐下儉絕類

男陽

按鎖陽功用與從蓉相倣禁忌亦同

淫羊藿

味辛溫無毒入腎經山藥為使得酒良用羊油拌炒

強筋骨起陽事衰利小便除

莖中痛

陶弘景云服之好為陰陽別名仙靈脾干兩金葉杖草皆矜

其功力也

按淫羊藿補火相火易動者遠之

仙茅

味辛溫有小毒入腎經忌鐵器禁牛乳糯米泔浸一宿去赤汁則毒去

助陽填骨髓心腹寒

疼開胃消宿食強記通神

補而能宣西域僧獻於唐玄宗大有功力遂名婆羅門參廣

西英州多仙茅羊食之遍體化為筋人食之大補其消食者

助少火以生土土得乾健之運也其強記者腎氣時上交於南離故也按仙茅專於補火惟精寒者宜之火熾者有暴

絕之戒

補骨脂

味辛溫無毒入腎經惡甘草忌羊肉諸血胡桃拌炒

興陽事止腎洩固精氣止腰

疼

一名破故紙

煖則水臟壯火益土之要藥也

按補骨性燥凡陰虛有熱

大便閉結者戒之

兔絲子

味辛甘平無毒入腎經山藥爲使酒煮打作餅烘乾再研即成細末

續絕傷益氣力強陰

莖堅筋骨溺有餘瀝寒精自出口苦燥渴寒血爲積

雷公云稟中和之性凝正陽之氣腎臟得力則絕傷諸症愈

矣主口苦燥渴者水虛則內熱津枯辛以潤之二證俱安也

按兔絲子助火強陽不痿者忌之

覆盆子

味甘平無毒入肝腎二經去蒂酒蒸

補虛續絕傷強陰美顏色

能益閉竅封臟之本以縮小便服之當覆其溺器故名按

覆盆子固澁小便不利者禁之

骨碎補

味苦溫無毒入腎經去毛蜜蒸

主骨碎折傷耳聾牙疼腎虛泄瀉

夫瘰生新

跡其勲伐皆是足少陰腎經觀其命名想見功力戴元禮用

以治骨痿有效按經疏云勿與風燥藥同用

鈎藤

味甘微寒無毒入肝經

舒筋除眩下氣寬中小兒驚癇客忤胎風

祛肝風而不燥庶幾中和但久煎便無力俟它藥煎就一二

沸卽起頗得力也去梗純用嫩勾其功十倍按鈎藤性寒

故小兒科珍之若大人有寒者不宜多服

蒲黃

味甘平無毒入肝經熟用止血生用行血

入東方血海是其本職利小便者兼入州都之地耳按無

瘀血者勿用

海藻

味苦鹹寒無毒入腎經反甘草

消癰瘰癧散癥瘕癰腫

苦能洩結寒能滌熱鹹能軟堅故主療如上

按脾家有溼

者勿服

澤蘭

味苦甘微溫無毒入肝脾二經

和血有消瘀之能利水有消蠱之效

甘能和血獨入血海攻擊稽留其主水腫者乃血化爲水之

水非脾虛停濕之水也

按澤蘭行而帶補氣味和平無偏

勝之憂

艾葉

味苦微溫無毒入肺脾肝腎四經苦酒香附爲使

安胎氣煖子宮止血痢理腸風

灸除百病吐衄崩中

陳久者良

辛可利竅苦可疏通故氣血交理而婦科帶下調經多需之

按艾性純陽香燥凡有血燥生熱者禁與

昆布 味鹹寒無毒入腎經洗淨 頑痰結氣積聚癭瘤

鹹能軟堅噎證恒用之取其祛老痰也 按昆布之性雄於

海藻不可多服令人瘦削

防已 味苦辛性寒無毒入膀胱經 祛下焦之溼瀉血分之熱理

水腫脚氣通二便閉結

防已分木漢二種木者專風漢者專水 按東垣云防已大

苦大寒瀉血中溼熱亦瞋眩之藥也服之使人身心煩亂飲

食減少惟溼熱壅遏及脚氣病非此不效若虛人用防已其

害有三穀食已虧復泄大便重亡其血一也渴在上焦氣分

而防已乃下焦血分二也傷寒邪傳肺經氣分溼熱而小便

黃赤禁用血藥三也

威靈仙 味苦溫無毒入膀胱經忌食苦茗類 宣五臟而療痛風去冷滯而行痰水

此風藥之善走者也威者言其猛烈靈者言其效驗 按威靈仙大走真氣兼耗人血不得已而後用之可也

水萍

味辛寒無毒入肺經發汗開鬼門下水潔淨府

水萍輕浮入肺經發汗氣化及州都因而利水歌云天生靈草無根幹不在山間不在岸始因飛絮逐東風紫背青皮飄水面神仙一味去沉痾採時須在七月半選甚癰風與大風些小微風都不算豆淋酒內服三九鉄鑊頭上也出汗 按水萍發汗力比麻黃下水功同通草苟非大實大熱者安敢輕試耶

牽牛子

味苦寒有毒入肺大小腸三經酒蒸研細下氣逐痰水除風利小便

辛熱有毒之藥性又迅急主治多是肺脾之病多因虛起何賴瀉藥況諸證應用藥物神良者不少何至舍其萬全而就

不可必之毒物哉東垣諄復其詞以戒後人勿用益目擊張
子和且暮用之故問之甚力世俗不知取快一時後悔奚及

紫葳花

味酸寒無毒入心肝二經畏鹵鹹

三焦血閉二便燥乾

卽凌霄花也能去血中伏火及血熱生風之證

按紫葳酸

寒不能益人走而不守虛人避之

使君子

味甘溫無毒入脾胃二經殺諸蟲治疳積

殺蟲藥皆苦使君子獨甘空腹食數枚次日蟲皆死而出矣
忌飲熱茶犯之卽瀉有言其不宜食者非也夫樹有蠹屋有
蟻國有盜禍耶福耶觀養生者先去三尸蟲可以類推矣

按使君子爲殺蟲而設苟無蟲積服之必致損人

木賊草

味甘苦平無毒入肝經迎風流淚翳膜遮睛

木賊爲磋擦之需故入肝而伐木去節者善發汗中空而輕

有升散之力也 按木賊多服損肝不宜久用

稀莨

味苦寒有小毒入肝腎二經

肢節不利肌體癱痺脚膝軟疼纏綿風氣

能宜能補故風家珍之本草相傳功用甚奇然近世服之經年罕效意者製法未盡善歟風氣有分別歟藥產非道地歟亦以見執方者之失也 按稀莨長於理風溼畢竟是祛邪之品恃之爲補吾未敢信也

青蒿

味苦寒無毒入肝腎二經童便浸一宿曝

去骨間伏熱殺鬼疰傳屍

苦寒之藥多與胃家不利惟青蒿芬芳襲脾宜於血虛有熱之人取其不犯冲和之氣耳 按寒而洩瀉者仍當避之

茵陳

味苦寒無毒入膀胱經

理黃疸而除溼熱佐五苓而利小腸

茵陳去溼熱獨宜於五疸然亦須五苓之類佐助成功 按用茵陳者中病卽已若過用之元氣受賊

益智仁 味辛溫無毒入心脾腎 溫中進食補腎扶脾攝涎唾縮

小便安心神止遺濁

辛能開散使鬱結宣通行陽退陰之藥也古人進食必先益

智為其於土中益火故耳 按益智功專補火如血燥有熱

及因熱而遺濁者不可誤入也

葦撥 味辛熱無毒入肺脾二經去濕 脾除嘔逆定瀉理心疼

古方用此百中之一其以葦撥辛熱耗散能動脾肺之火多

用損目耶

高良薑 味辛溫無毒入脾 溫胃去噎善醫心腹之疼下氣除邪

能攻嵐瘴之瘧

古方治心脾疼多用良薑寒者用之至二錢熱者亦用四五

分於清火劑中取其辛溫下氣止痛有神耳 按虛人須與

參朮同行若單用多用犯冲和之氣耳

海金沙

味甘寒無毒入小腸膀胱二經

除溼熱消腫瀉清血分利水道

產於黔中及河南收曝日中小乾以紙襯之以杖擊之有細

沙落紙上且曝且擊以盡爲度性不狼戾惟熱在

太陽經血分者宜之

穀精草

味辛溫無毒入肝胃二經

頭風翳膜遮睛喉痺牙疼疥癢

田中收穀後多有之田低而穀爲水腐得穀之餘氣結成此

草其亦得天地之和氣者歟兎糞名望月沙兎喜食此草故

目疾家收之如未出草時兎糞不可用也

青黛

味鹹寒無毒入肝經

清肝火解鬱結幼穉驚疳大方吐血

眞者從波斯國來不可得也今用乾旋每斤淘取一兩亦佳

按青黛性涼中寒者勿使

連翹

味苦寒無毒入心經

除心經客熱散諸經血結

連翹胃胆腎大腸五經除心經客熱散諸經血結

手少陰主藥也諸瘡痛癰皆屬心火故爲瘡家要藥 按連

翹苦寒多餌卽減食謹之

馬鞭草

味苦寒無毒入肝腎二經

理發背癰疽治楊梅毒氣癰疽須用 宜血閉求

此草專以驅逐爲長瘡症久而虛者斟酌用之

葶藶子

味辛寒無毒入肺經榆皮爲使酒炒

疏肺下氣喘逆安平消痰利水 通理經

十劑云洩可去閉葶藶大黃之屬但性峻不可混服 有甜

苦二種甜者力稍緩也

王不留行

味苦平無毒入大腸經水浸焙

行血通乳止衄消疔

王不留行喻其走而不守雖有王命不能留其行也古云穿

山甲王不留婦人服了乳常流乃行血之力耳 按失血後

崩漏家孕婦並忌之

瞿麥

味苦寒無毒入膀胱經

利水破血出刺墜胎

八正散用偽利小便之主藥若心雖熱而小腸虛者忌服恐心熱未除而小腸復病矣當求其屬以衰之

主藥若心雖熱而小腸虛者忌服恐

地膚子

其主用多在皮膚其入正在土臟蓋脾主肌膚也卽其利水

兼能社誼者歟

决明子

此馬蹄決明也以決能明目故得此名另有草決明石決明

與之同功而各爲一種石決明獨與雲母石相反

紫草

按紫草涼而不凝爲痘家血熱之要藥但痘證極重脾胃過

用則有腸滑之虞

山慈姑

蛇狂犬之傷傳粉滓瘰癧點之面

花狀如燈籠而紅根狀如慈姑而白西陽雜俎云金燈之花

與葉不相見謂之無義草按寒涼之品不得過服

貫衆

味苦寒有毒入肝經去皮毛劉焯

殺蟲解毒化哽破癥產後崩淋金瘡鼻

有毒而能解毒去瘀而能生新然古方中不恒用之別名管

仲豈音相類耶抑爲其有雜襲之氣耶

狗脊

味苦平無毒入肝腎二經革薺爲使劉焯

強筋最奇壯骨獨異男子腰脚軟疼

女人關節不利

狀如狗之脊故名狗脊以形得名也別名扶筋以功得名也

天名精

味甘辛寒無毒入肺經地黃爲使

下瘀血除結熱疔吐衄逐痰涎消癰

毒止咽疼殺疥蟲揩膚癢可吐痰治瘡塗蟲螫蛇傷根名土牛

膝功用相同子名鶴蝮專掌殺蟲

一名蝦蟆藍一名活鹿草外科要藥生搗汁服令人大吐大

下亦能止牙疼 按脾胃寒薄不渴易泄者勿用

山豆根

味苦寒無毒入心肺二經

主咽痛蠱毒銷諸腫瘡瘍

按其性大苦大寒脾胃所苦食少而瀉者切勿沾唇

白芨

味苦微寒無毒入肺經

肺傷吐血建奇功癰腫排膿稱要劑

性收色白合乎秋金宜入相傳之經以療諸熱之證收中有

散又能排膿花名箬蘭貴重可喜 按癰疽潰後不宜同苦

寒藥服反烏頭烏喙

藜蘆

味辛苦微寒有毒入脾胃二經

司蠱毒與喉痺能殺蠱理疥瘍與酒相反

有宣壅導滯之力苦爲涌劑能殺邪氣熱痰皆吐出也苦能

殺蠱并主疥癬 按藜蘆有毒服之令人煩悶吐逆凡胸中

有老痰或中蠱毒止可借其宜吐不然切勿沾口大損津液

營實

味酸澆微寒無毒入胃經

口瘡骨鯁之用睡中遺尿之方

專達陽明解熱以其性澆兼有遺尿之療也

蛇床子

味苦辛溫無毒入脾腎二經

男子強陽事婦人煖子宮除風溼痺瘡

擦療癰多功

去足太陰之溼補足少陰之虛強陽頗著奇功人多忽之寧

知至賤之中乃伏殊常之品耶得地黃汁拌蒸三遍後色黑

乃佳 按腎火易動者勿食

景天

味苦酸寒無毒入心經

諸種火丹能療一切遊風可醫毒蛇咬傷急用搗敷

大寒純陰之品故獨入離宮專清熱毒 按中寒之人服之

有大害惟外塗不妨耳一名慎火草

蘭葉

味辛平無毒入肺經

蠱毒不祥胸中痰癖止渴利水開胃解鬱

蘭花稟天地清芳之氣入西方以清辛金頗有殊功今人不

恒用之亦缺典也產閩中者力勝江浙諸種

懷香

音味辛溫無毒入胃腎二經

主腹痛疝氣平霍亂吐逆

辛香宜胃溫性宜胃故其主治不越二經

按懷香辛溫若

陽道數舉得熱則吐者均戒

八角者名大荷香小如粟米者力薄

黃精

味甘平無毒入脾經

補中益氣去溼殺蟲

稟季春之令得土之冲氣味甘氣和爲益脾陰之劑土旺則風濕自除可久服而無偏勝之弊者也

蘆薈

味苦寒無毒入心肝脾三經

主去熱明目理幼穉驚風善療五疳

能殺三蟲

稟陰寒之氣寒能除熱苦能泄熱故除熱殺虫及明目也疳以濕熱爲咎溼熱去則愈矣 按蘆薈大苦大寒凡脾虛不

思食者禁用

阿魏

味辛溫無毒入脾胃二經

殺諸虫破癥積除邪氣化癰毒

臭烈殊常故殺蟲辟惡辛則能散溫則能行故消積化癥
按人之血氣問香則順聞臭則逆故凡虛人雖有病積亦不
可輕用當先養胃氣胃強則堅積漸磨而消矣經曰大積大
聚其可犯也衰其半而止蓋兢兢於根本者乎

蘆根

味甘寒無毒入胃經

噎膈胃反之司消渴嘔逆之療可清煩熱能利

小腸

獨入陽明清熱下降故主治如上筍性更佳解河魀毒 按
霍亂嘔吐因於寒者勿服

醫宗必讀卷之三終

宛委山莊重校醫宗必讀卷之四

雲間李中梓士材父著

門人張介福受茲父忝

姪孫李廷芳衡伯父訂

本草徵要下

木部

桂味辛甘大熱有小毒入胃肝二經益火消陰救元陽之痛冷
溫中降氣扶脾胃之虛寒堅筋骨強陽道乃助火之勲定驚癇
通血脉屬平肝之續下焦腹痛非此不除奔豚疝瘕用之即效
宣通百藥善墮胞胎 桂心人心脾經理心腹之恙三蟲九痛皆瘥
補氣脉之虛五癆七傷多驗宣氣血而無壅利關節而有靈托
癰疽瘰癧能引血成膿 桂枝入肺膀二經無汗能發有汗能止理
心腹之痛散皮膚之風橫行而爲手臂之引經直行而爲奔豚

之向導

肉桂乃近根之最厚者桂心卽在中之次厚者桂枝卽頂上細枝以其皮薄又名薄桂肉桂在下主治下焦桂心在中主治中焦桂枝在上主治上焦此本乎天者親上本乎地者親下之道也王好古云仲景治傷寒有當汗者皆用桂枝又云汗多者禁用兩說何相反哉本草言桂辛甘出汗者調其血而汗自出也仲景云太陽中風陰弱者汗自出衛實營虛故發熱汗出又云太陽病發熱汗出者爲營弱衛強陰虛陽必奏之故皆用桂枝發汗乃調其營則衛自和風邪無所容遂自汗而解非桂枝能發汗也汗多用桂枝者調和營衛則邪從汗解而汗自止非桂枝能閉汗也不知者遇傷寒無汗亦用桂枝誤矣桂枝發汗發字當作出字汗自然出非若麻黃

之開腠發汗也 按桂性偏陽不可誤投如陰虛之人一切

血証及無虛寒者均當忌

松脂

味苦甘溫無毒入肺胃二祛肺金之風清胃土之熱除邪

下氣壯骨強筋排膿止痛生肌煎膏而用牙疼惡瘡筋中研末

而嘗

松子甘能益血潤大便溫能和氣主風虛 松葉可生

毛髮宜晷凍瘡

松節舒筋止肢節之痛去溼搜骨肉之風

松脂感太陽之氣而生燥可去濕甘能除熱故外科取用極

多也松子中和入服有裨松葉有功於皮毛松節有功於肢

節各從其類也

按松脂松葉性燥而溫血虛者勿服

茯苓

味甘淡平無毒入心腎脾胃小腸五經馬藹偽使畏牡蒙

益脾胃而利小便水溼都消止嘔吐而定洩瀉氣機咸利下行

伐腎水泛之痰隨降中守鎮心憂驚之氣難侵保肺定欬嗽安

胎止消渴抱根者爲茯神主用俱同而安神獨掌紅者爲赤茯苓功力稍遜而利水偏長

茯苓假松之餘氣而成無中生有得坤厚之精爲脾家要藥素問曰飲入於胃遊溢精氣上輸於肺通調水道下輸膀胱則利水之藥皆上行而後下降也故潔古謂其上升東垣謂其下降各不相背也按小便多其源亦異素問云肺氣盛則便數虛則小便遺心虛則少氣遺溺下焦虛則遺溺胞絡遺熱於膀胱則遺溺膀胱不約爲遺厥陰病則遺溺所謂肺氣盛者實熱也宜茯苓以滲其熱故曰小便多者能止也若肺虛心虛胞絡熱厥陰病皆虛熱也必上熱下寒法當升陽膀胱不約下焦虛者乃火投於水水泉不藏必肢冷脉遲法當用溫熱之藥皆非茯苓可治故曰陰虛者不宜用也茯神抱

根而生有依守之義故魂不守舍者用以安神赤者入丙丁但主導赤而已 按病人小便不禁虛寒精滑者皆不得服琥珀味甘平無毒入心安神而鬼魅不侵清肺而小便自利新血止而瘀血消翳障除而光明復

感土木之氣而兼火化味甘色赤有艮止之義故能安神有下注之象故利小便而行血丹溪曰燥脾土有功脾能運化肺金下降小便自通若因血少而小便不利者反致燥急之苦 按滲利之性不利虛人凡陰虛內熱火炎水涸者勿服栢子仁味甘辛性平無毒入心肝腎安神定悸壯水強陽潤血而容顏美少補虛而耳目聰明

心藏神腎藏精與智心腎虛則病驚悸入心養神入腎定志悸必愈矣悅顏聰明皆心血與腎水互相權衡耳 按栢子

多油而滑作瀉者勿服多痰者亦忌有油透者勿入藥

側栢葉

味苦微寒無毒入肝經壯蟻爲使忌同栢子仁

止吐衄來紅定崩淋下血歷節

風疼可愈周身濕痺能安

微寒補陰故應止血其治風濕者益脾之力也栢有數種惟

根上發枝數莖蒙茸茂密名千頭栢又名佛手栢是真側栢

也按栢性挾燥血家不宜多服

枸杞子

味甘微溫無毒入腎肝二經

補腎而填精止渴除煩益肝以養營強

筋明目

精不足者補之以味枸杞子是也能使陰生則精血自長肝

開竅於目黑水神光屬腎二藏得補目自明矣按枸杞能

利大小腸故洩瀉者勿用

地骨皮

味甘寒無毒入腎經

治在表無定之風邪主傳屍有汗之骨蒸

熱淫於內，以甘寒退熱，除蒸固宜，爾也。又去風邪者，腎肝同治也。肝有熱，則風自內生；熱退，則風息。此與外感之風不同耳。按地骨皮乃除熱之劑，中寒者勿服。

槐花

味苦酸寒無毒入肝大腸二經含蕊而陳久者佳微炒

止便紅，除血痢，咸藉清腸之

力。療五痔，明眼目，皆資滌熱之功。子名槐角，用頗相同。兼行血而降氣，亦催生而墮胎。枝主陰囊濕癢，葉醫疥癬疔疽。

感天地陰寒之氣，而兼木與水之化，故爲涼血要品。血不熱，則陰自足，目疾與痔證交愈矣。按槐性純陰，虛寒者禁用，卽虛熱而非實火者亦禁之。

酸棗仁

味酸平無毒入膽肝二經惡助日炒熟

酸收而心守其液，乃固表虛有汗

肝旺而血歸其經，用瘳徹夜無眠。

膽怯者，心君易動，驚悸盜汗之所自來也。肝虛者，血不歸經，

則虛煩不眠之所自來也棗仁能補肝益膽則陰得其養而諸證皆安矣 按肝膽二經有實邪熱者勿用以收斂故也黃檗味苦寒無毒入腎經惡乾漆鹽酒炒肥厚鮮黃者佳瀉龍火而救水利膀胱以燥濕佐以蒼朮理足膝之痺痛漬以密水漱口舌之生瘡

黃檗瀉陰火除濕熱故治療如上昔人謂其補陰者非其性補蓋熱去則陰不受傷雖謂之補亦宜 按苦寒之性利於實熱不利於虛熱凡脾虛食少或瀉或嘔或好熱或惡冷或腎虛五更泄瀉小便不禁少腹冷痛陽虛發熱瘀血停止產後血虛發熱金瘡發熱癰疽潰後發熱傷食發熱陰虛小水不利痘後脾虛小水不利血虛煩躁不眠等症法咸忌之

楮實

味甘寒無毒入脾經

健脾消水腫益氣充肌

按楮實雖能消水健脾然脾胃虛寒者勿用

乾漆

味辛溫有毒入肝經畏鐵漿黃橘汁
甘豆湯螬藥蜀椒炒至烟盡爲度

辛能散結行瘀血之

神方毒可祛除殺諸蟲之上劑

行血殺蟲皆辛溫毒烈之性中其毒者或生漆瘡者多食蟹
及甘豆湯解之 按血見乾漆卽化爲水則能損新血可知
虛者及慣生漆瘡者切勿輕用

五加皮

味辛溫無毒入腎肝二經
遠志爲使惡玄參

明目舒筋歸功於藏血之海益

精締便得力於閉蟄之官風濕宜求疝家必選

五加皮者五車星之精故服食家誇多之不已嘗曰蓋得一

把五加不用金玉滿車雖贊詞多溢美必非無因而獲此譽

也 按下部無風寒濕邪而有火及肝腎虛而有火者皆忌

蔓荊子

味苦辛平無毒入肝勝
眈二經惡烏頭石膏

頭風連於眼目搜散無餘濕痺

甚而拘攣展舒有效

氣清味辛體輕而浮上行而散故所主者皆在風木之藏目之與筋皆肝所主也 按頭痛目痛不因風邪而因於血虛有火者忌之元素云胃虛人不可服恐生痰疾

辛夷

味辛溫無毒入肺胃二經芍藥爲使惡五石脂畏薤白

溫開竅鼻塞與昏胃咸宜清陽解肌壯熱與憎寒並選

肺開竅於鼻而胃脉環鼻上行凡中氣不足清陽不升則頭痛而九竅不利辛夷稟春陽之氣味薄而散能助胃中清氣上達高巔頭面九竅皆歸治平也 按辛香走竅虛人禁之

雖偶感風寒而鼻塞亦禁之頭痛屬血虛火熾者服之轉甚

桑根白皮

味甘寒無毒入肺經績斷桂心麻子爲使刮去粗皮密水炙有涎出勿去

止喘定嗽疎小腸之閉滯逐水寬膨降氣散瘀血止渴消燥痰瀉肺降氣是其職專利便去水者兼瀉子之法也 葉可止

汗去風明日長髮 子可補血安神生津止渴 枝可祛風

養筋消食定欬 桑耳調經止崩帶 桑黃清肺療鼻赤

桑柴灰除癰瘰蝕惡肉 桑霜別名木礪能鑽筋透骨爲抽

疔拔毒之品 按桑白皮瀉火肺虛無火因風寒而嗽者勿

服桑椹子雖能補血脾胃虛滑者勿服

桑寄生 味甘平無毒入肝經忌火和血脉充肌膚而齒髮堅長舒筋絡利關

節而痺痛損除安胎簡用崩漏微醫

木能益血兼能去濕故功效如右海外深山地煖不蠶桑無

採埒之苦氣化濃蜜自然生出言鳥啣他子遺樹而生者非

杜仲 味辛甘溫無毒入肝腎二經惡玄參蛇蛻去皮酥炙 強筋壯骨益腎添精腰膝之疼

痛皆痊遍體之機關總利

腎苦燥急食辛以潤之肝苦急急食甘以煖之杜仲辛甘故

主用如上亦治陰下濕癢小便餘瀝 按腎虛火熾者勿用

女貞實

味苦性平無毒入肝腎二經

補中黑鬚髮明目養精神

稟天地至陰之氣故凌冬不凋氣薄味厚陰中之陰降也雖

曰補益偏於陰寒者也 按脾胃虛家久服腹痛作瀉

葵仁

味甘溫無毒入肝經湯浸去皮尖冰煮過研膏

破心下結痰除腹中痞氣退翳膜

赤筋理皆傷淚出

外能散風內能清熱肝氣和則目疾愈痰痞皆熱邪爲祟故

宜並主 按目病不緣風熱而因於虛者勿用

丁香

味辛溫無毒入肺胃腎三經忌見火畏鬱金去丁蓋

溫脾胃而嘔呃可瘳理壅滯而

脹滿宜療齒除疳蠱痘發白灰

脾爲倉廩之官傷於飲食生冷留而不去則爲壅脹或爲嘔

呃煖脾胃而行滯氣則脹嘔俱瘳也 按丁香辛熱而燥非

屬虛寒緊勿施用

雖舌香是其別名
明丁香乃其大者

沉香

味辛溫無毒
脾胃肝腎四經

調和中氣破結滯而胃開溫補下焦北元

陽而腎煖療脾家痰涎之血去肌膚水腫之邪大腸虛閉宜投
小便氣淋須用

芬芳之氣與脾胃相投溫而下沉與命門相契怒則氣上肝
之過也辛溫下降故平肝有功 按沉香降氣之要藥然非
命門火衰不宜多用氣虛下陷者切勿沾唇

檀香

味辛溫無毒
入肺胃二經

辟鬼殺虫開胃進食療噎膈之吐止心腹痛之

調上焦氣在胸膈咽隘之間有奇功也 按癰疽潰後及諸

瘡膿多者不宜服

降真香

味辛溫無毒
色紅者良

行瘀滯之血如神止金瘡之血至驗理肝

傷吐血勝似鬱金理刀傷出血過於花蕊

降真香色鮮紅者行血不氣有功若紫黑色者不堪用也兼

可辟邪殺鬼燒之辟天行時氣宅舍怪異

蘇合香

味甘溫無毒

甘緩和脾鬱結凝留成霧釋芬芳微體奸邪夢

壓盡水消

產中天竺國諸香汁合成故名合香凡香氣皆能辟邪通竅
況合衆香而成者乎沈括云蘇合油如鵝膠以筋挑起懸絲
不斷者真也

乳香

味辛溫無毒入心經善上烘去油同燈心研之則細

定諸經之痛解諸瘡之毒活血

舒筋和中治病

諸瘡痛癢皆屬心火乳香入心內托護心外宣毒氣有奇功
也但瘡疽已潰勿服膿多者勿敷

沒藥

味苦平無毒與法同乳香

宣血氣之滯醫瘡腐之疼可攻目翳堪墮胎

血滯則氣壅故經絡滿急發腫作痛沒藥善通壅滯則血行而氣暢痛止也 按骨節痛與胸腹筋痛不由血瘀而因於血虛產後惡露去多腹中虛痛癰疽已潰法咸禁之

安息香

味辛苦性平無毒入心經

服之而行血下氣燒之而去鬼來神

手少陰主藏神神昏則鬼邪侵之心主血血滯則氣不宜快安神行血故主治如上 按病非關惡氣侵犯者勿用

麒麟竭

味甘鹹平有小毒入心肝二經凡用另研若同他藥燒則化為飛塵產於外國難得真者磨之透甲燒灰不變

色者佳

走南方兼達東方遂作陰經之主和新血且推陳血真爲

止痛之君

乳香沒藥兼主氣血此則專於血分者也善收瘡口然性急不可多使却能引膿

龍腦香

味辛苦微溫無毒

開通關竅驅逐鬼邪善消風而化淫使耳聰

而目明

芳香爲百藥之冠香甚者性必溫熱善於走竄入骨搜風能引火熱之氣自外而出新汲水調催生甚捷按龍腦入骨風病在骨髓者宜也若風在血脉肌肉輒用腦麝反引風入骨如油入麵莫之能出目不明屬虛者不宜入點

金櫻子

味酸澆平無毒入脾腎二經

扇鑰元精合閉蟄封藏之平牢拴倉廩

贊傳導變化之權

金櫻子性澆不利於氣丹溪云經絡隊道以通暢爲和平味者喜其澆精而服之致生別證自不作靖咎將誰執雖然惟無故而服以縱慾則不可若精滑者服之何咎之有

竹葉

味苦甘寒無毒入心胃二經

清心滌煩熱止嗽化痰涎

竹茹

刮去青皮用

層疏氣逆而嘔呃與噎膈皆平清血熱而吐衄與崩中咸療

竹瀝蘆汁

為使痰在皮裏膜外者直達以宣通痰在經絡四肢者屈

曲而搜剔失音不語偏宜肢體舉蹇決用

竹種最多惟大而味甘者為勝必生長甫及一年者嫩而有
力竹能損氣故古人以笋為刮腸鼠竹瀝滑腸脾虛泄瀉者
勿用惟痰在皮裏膜外經絡肢節者相宜若寒痰淫痰與食
積痰勿用

吳茱萸

味辛熱有小毒入脾胃肝三經實為使惡丹家燥腸

胃而止久滑之瀉散陰寒而攻心腹之疼祛冷脹為獨得疎肝
氣有偏長疝疼脚氣相宜開鬱殺虫至效

辛散燥熱獨入厥陰有功脾胃其旁及者也東垣云濁陰不
降厥氣上逆甚而脹滿非茱萸不可治也多用損元氣寇氏
曰下氣最速腸虛人服之愈甚凡病非寒滯者勿用即因寒

滯者亦當酌量虛實適事爲效也

山茱萸

味酸微溫無毒入肝腎二經

去核微火烘乾

補腎助陽事腰

膝之病不必慮也閉精縮小便遺洩之證蓋足患乎月事多而可以止耳鳴響而還其聰

四時之合春暖而生秋涼而殺萬物之性喜溫而惡寒人身

精氣亦賴溫煖而後充足況腎肝居至陰之位非得溫煖之

氣孤陰無以生山茱萸正入二經氣溫而主補味酸而主斂

故精氣益而腰膝強也

按強陽不痿小便不利者不宜用

檳榔

味辛溫無毒入胃大腸二經

見火降至高之氣似石投水疏後重之急如

騷追風瘧疾與痰癖偕收脚氣與殺虫並選

足陽明爲水穀之海手陽明爲傳道之官二經相爲貫輸以

運化精微者也二經病則痰癖虫積生焉辛能破滯苦能殺

出故主治如上

按檳榔墜諸氣至於下極氣虛下陷者忌

梔子

味苦寒無毒
入肺經炒透

治胸中懊憹而眠臥不寧疏臍下血滯而小

便不利清太陰肺輕飄而上達瀉三焦火屈曲而下

梔子木非吐藥仲景爲邪氣在上得吐則邪出所謂高者因

而越之也亦非利小便藥蓋肺清則化行而膀胱津液之府

奉氣化而出矣按大苦大寒能損胃伐氣虛者忌之心腹

痛不因火者尤爲大戒世人每用治血不知血寒則凝反爲

敗證治實火之吐血順氣爲先氣行則血自歸經治虛火之

吐血養正爲先氣壯則自能攝血此治療之大法不可違也

蕪荑

味辛平無毒
入肺經

除疳積之要品殺諸蟲之神劑

幼科取爲要藥然久服多服亦能傷胃

枳殼

味苦微寒無毒
入肝大腸二經炒破

至高之氣除欬逆停痰助傳導之官

消水留脹滿 枳實即枳殼之小者破積有雷厲風行之勢瀉痰有衝
墻倒壁之威解傷寒結胸除心下急痞

枳殼枳實上世未嘗分別自東垣分枳殼治高枳實治下海
藏分枳殼主氣枳實主血然究其功用皆利氣也氣利則痰
喘止痞脹消食積化人之一身自飛門以至魄門三焦相通
一氣而已又何必分上與下氣與血乎但枳實則性急枳殼
則性緩爲確當耳 按枳殼枳實專主破氣大損真元凡氣
弱脾虛以致停食痞滿法當補中益氣則食自化痞自散若
用枳殼枳實是抱薪救火矣脹滿因於實邪者可用若因土
虛不能制水肺虛不能行氣而誤用之則禍不旋踵瘦胎飲
用枳殼爲湖陽公主而設以彼奉養太過形氣肥實故相宜
也若一概用之反致氣弱而難產潔古枳朮丸用枳實爲積

滯者設積滯去則脾胃自健故謂之補非消導之外別有補益也時醫不察虛實不辨補瀉往往概施損人真元爲厲不淺雖以補劑救之亦難挽其刻削之害貽弊者多表以爲戒厚樸味苦辛大溫無毒入脾胃二經乾薑爲使鹽澤瀉硝石辛寒水石忌豆色紫味辛者良刮去粗皮切片薑汁炒能散風邪溫可解寒氣下氣消痰去實滿而寬膨溫胃和中調胸腹而止痛吐利交實驚煩其主

溫熱之性長於散結去滿溫胃煖脾故主食停痰滯脹痛吐利等證然但可施於元氣未虛邪氣方盛或客寒犯胃濕氣侵脾若脾虛之人雖有如上諸證切勿沾唇或一時未見其害而清純沖和之氣潛傷默耗矣可不謹諸

茶葉味甘苦微寒無毒入心肺二消食下痰氣止渴醒睡眠解炙燂之毒消痔瘻之瘡善利小便頗療頭疼

稟土之清氣兼得春初生發之意故其所主皆以清肅爲功
然以味甘不泄氣芬如蘭色白如玉者爲良茶稟天地至清
之氣產於瘠砂之間專感雲露之滋培不受纖塵之滓穢故
能清心滌腸胃爲清貴之品昔人多言其苦寒不利脾胃及
多食發黃消瘦之說此皆語其相惡苦澁者耳故入藥須擇
上品方有利益

猪苓

味甘淡平無毒入腎膀胱二經去皮

分消水腫淡滲濕痰

猪苓感楓根之餘氣而成利水諸藥無如此駛

按寇宗奭

曰多服猪苓損腎昏目潔古云淡滲燥亡津液無濕證勿服

烏藥

味辛溫無毒入胃膀胱二經

主膀胱冷氣攻衝療胸腹積停爲痛天行

疫瘴宜投鬼犯蠱傷莫廢

辛溫芳馥爲下氣溫中要藥

按氣虛及血虛內熱者勿用

海桐皮

味苦平無毒入脾胃二經

除風濕之害理腰膝之疼可塗疥癬亦治

按腰膝痛非風濕者不宜用治癰治牙須與他藥同行

大腹皮

味苦微溫無毒入脾胃二經

開心腹之氣逐皮膚之水

主用與檳榔相俵但力少緩耳鳩鳥多集大腹樹上宜以大

豆汁多洗令黑汁去盡火焙用按病涉虛者勿用

合歡

味甘平無毒入心脾二經

安和五藏歡樂忘憂

心爲君主之官土爲萬物之母二臟調和則五臟自安神明

自暢稽康養生論云合歡蠲忿正謂此也一名夜合

五倍子

味苦酸澁平無毒入肺胃二經

斂肺化痰故止咳有效散熱生津故止

渴相宜上下之血皆止陰陽之汗咸瘳癰痢久而能斷腫毒發

而能消糝口瘡須臾可食洗脫肛頃刻能收染鬚髮之白治目

爛之疔

按五倍子性燥急而專收歛咳嗽由於風寒者忌之瀉痢非
虛脫者忌之咳嗽由於肺火實者忌之誤服反致壅滿以其
收斂太驟火氣無從泄越耳

天竺黃

味甘寒無毒入心經

化痰解風熱鎮心安五臟大人中風不語小

兒天吊驚癇

竹之津氣結成與竹瀝功用相倣故清熱養心豁痰利竅久

用亦能寒中產於天竺國

蜜蒙花

味甘平無毒入肝經酒潤焙

養營和血退翳開光大人背淚羞明小

兒痘疔攻眼

獨入東方為滌熱和營之用故治目之外無他長也

巴豆

味辛熱有大毒入肺脾胃大小腸五經芫花為使畏大黃黃連蘆筴蘇蘇醬豆冷水惡藜蘆草反牽牛去心及膜火焙

研細去油用

蕩五臟滌六腑幾於煎腸刮胃攻堅積破痰痺直可斬

關奪門氣血與食一攻而殆盡痰蟲及水傾倒而無遺胎兒立墮疔毒旋抽

生於盛夏之令成於秋金之月故味辛氣溫得剛猛火烈之用蕩滌一切有形之物按元素曰巴豆不可輕用鬱滯雖開真陰隨損以少許著肌膚須臾發泡况腸胃柔薄之質無論下後耗損真陰卽腑臟被其薰灼能無潰爛之患耶萬不得已亦須炒熱去油入少許卽止不得多用

蜀椒

味辛性熱有毒入肺脾腎三經杏仁爲使畏款冬花防風附子雄黃閉口者害人

溫脾士而擊三

焦之冷滯補元陽而蕩六腑之沉寒飲癖氣瘕和水腫累建奇功殺蟲止嘔及腸虛恒收速效通血脉則痠痺消除行肢節則機關健運椒目善消水腫可塞耳聾

椒稟純陽之氣乃除寒濕散風邪溫脾胃煖命門之聖藥

按命門火衰中氣寒冷者宜之若陰虛火旺之人在所大忌

胡椒

味辛大熱有毒入胃大腸二經下氣溫中消風去痰

忌用與川椒相同畢澄茄卽胡椒之大者乃一類二種亦易

橡斗子

味苦溫無毒入脾胃二經固精頗效止痢稱奇

按新痢起濕熱甚者忌服

木鼈子

味甘溫有毒散血熱除癰毒止腰痛生肌肉

有毒之品但宜外用勿輕內服 菴木鼈形較小而色白味

苦主咽喉痺痛氣血虛腸胃滑者大戒

水楊葉

味苦無毒 止久痢而多功浴痘疹而起發

生於涯涘之旁得水土之氣偏多能散濕熱故久痢需之痘

瘡頂陷漿滯不行或風寒所阻者宜水楊枝葉無葉用嫩枝

五觔流水一釜煎湯溫浴如冷添湯良久照見蠟起有暈絲

者漿行也如不滿再浴之虛者只洗頭面手足屢浴不起者死初出及痒塌者皆不可浴若內服助氣血藥其效更速此方有變理之妙蓋黃鐘一動而蟄虫啓戶東風一吹而堅冰解腹之義也

柞木皮

味苦平無毒

催生聖藥黃疸奇方

下行利竅故黃疸與產家用之

樓欄皮

味苦清平無毒

吐血鼻紅腸毒病十全奇效崩中帶下赤白痢

一切神功

性瀉故止血有功然惟血去已多滑而不止者宜之若早服

恐停瘀爲害火炒烟盡存性窖地上出火毒

川槿皮

味苦平無毒

止腸風與久痢擦頑癬及虫瘡

肉厚而色紅者真不宜多服

皂莢

味辛鹹溫有小毒入肺肝胃三經栝子爲使惡麥門冬畏人參苦參刮去粗皮及弦與子酥炙用 開竅通

關宣壅導滯搜風逐痰辟邪殺鬼

性極尖利無閉不開無堅不破中風傷寒門賴爲濟急之神
丹若類中風由於陰虛者禁之孕婦亦禁 子去皮水浸軟
煮糖漬食之治大腸虛秘癰癥惡瘡 刺功用與皂莢同第
其銳利能直達瘡所爲癰疽妬乳丁腫未潰之神藥米醋熬
嫩刺塗癰有效癰疽已潰者勿服孕婦亦忌

詞黎勒

味苦溫無毒入肺大腸二經蒸去核焙

固腸而洩痢咸安歛肺而喘嗽俱

止利咽喉而通津液下食積而除脹滿

按其主用皆溫清收斂之功若肺有實熱渴痢因濕熱氣喘
因火沖法咸忌之

棟實

味苦寒有毒入脾肺二經殺三虫利小便

根

微寒殺諸虫通大腸

大寒極苦止宜于殺 重若脾胃虛寒者大忌

梔白皮味苦澁寒有小毒瀉血止瀉痢殺重收產腸

苦寒之性虛寒者禁用腎家真陰虛者亦忌之以其徒燥耳

止入丸用不入湯煎 梔白皮主用相倣力稍遜之

郁李仁味酸平無毒入脾大腸潤達幽門而開格有轉輸之妙

宣通水腫而腫脹無壅遏之嗟

性專降下善導大腸燥結利周身水氣然下後令人津液虧

損燥結愈甚乃治表救急之藥津液足不者慎勿輕服

雷丸味苦寒有小毒入胃經其質厚殺臟腑諸重除嬰兒百病

雷丸乃竹之餘氣得霹靂而生故名雷丸殺重之外無他長

久服令人陰痿

蘇木味苦鹹平無毒入心肝脾三經宜表裏之風邪除新舊之瘀血

蘇木理血與紅花同聚用和血多用即破血也其治風者

所謂治風先治血 血行風自滅也

沒石子

味苦溫無毒入腎經忌銅鐵器用漿水於砂盆中焙乾再研如烏犀色益血生精染髮

而還少強陰治痿助陽事以生男滋精止遺淋固腸醫洩痢

稟春生之氣兼金水之性春為發生之令故有功於種玉金

主收肅之用故有功於止澁然亦不宜獨用多用也

木瓜

味酸溫無毒入肝經忌鐵去穢

筋急者得之即舒筋緩者遇之即利濕痺

可以兼攻脚氣惟茲最要

得東方之酸故入厥陰治筋非他藥所能傳匹轉筋時但念

木瓜二字數十聲立效東垣云氣脫能收氣滯能和故于筋

急筋緩兩相宜耳

按孟詵云多食損齒及骨素問所謂陰

之所主本在五味陰之所營傷在五味五味太過則有增勝之憂也

葉部

蓮子

味甘平無毒入心脾腎三經泡去皮心炒

心腎交而君相之火邪俱靖腸胃厚

而瀉痢之滑脫均收頻用能澹精多服令人喜

蓮藕

味甘平入心脾

二經

生用則滌熱除煩散瘀而還爲新血熟用則補中和胃消

食而變化精微

蓮花

味甘溫無毒入心清心而諸竅之

味甘溫無毒入心清心而諸竅之

出血可止固腎而丹田之精氣無遺鬚髮變黑瀉痢能除

蓮子脾家葉也久服益人石蓮子乃九月經霜後堅黑如石

墮水入泥者今肆中石蓮子其味大苦產廣中樹上不宜入

藥藕性帶瀉止血有功產家忌生冷惟藕不忌爲能去瘀

故也蓮鬚溫而不熱血家瀉家尊爲上劑蓮房固精澀

腸但不宜多服葉可助胃消食帶治雷頭風取其有震仰

盂之象類從之義也

橘皮

味辛溫無毒入肺脾二經廣中者最佳福建者力薄浙產便惡劣矣陳久愈佳去蒂及浮膜晒乾

止嗽定

嘔頗有中和之妙清痰理氣却無峻烈之嫌留白者補胃偏宜去白者疏通端掌

苦能泄氣又能燥濕辛能散氣溫能和氣同補藥則補同瀉藥則瀉同升藥則升同降藥則降夫脾乃元氣之母肺乃攝氣之篇故獨入二經氣雖中和然單服久服亦損真元橘皮下氣消痰橘肉生痰聚氣一物也而相反如此

青皮

即橘之小者楚炒

破滯氣愈攻愈效削堅積愈下愈良引諸藥至

厥陰之分下飲食入太陰之倉

青皮兼能發汗性頗猛銳不宜多用如人年少壯未免躁暴及長大而爲橘皮如人至老年烈性漸減經久而爲陳皮則多歷寒暑而躁氣全消也核主膀胱疝氣一味爲末酒服五

錢葉主肺癰乳癰絞汁飲之

香櫟

味苦溫無毒入肺脾二經年久者良去白炒

理上焦之氣止嘔宜求進中州之

食健脾宜簡

性雖中和單用多用亦損正氣脾虛者須與參朮同行乃有相成之益耳

大棗

味甘平無毒入脾經堅實肥大者佳

調和脾胃有生津止瀉之功潤養肺經

操助脉強神之用

經言棗爲脾葉脾病宜食之又曰脾病人毋多食甘毋乃相戾耶不知言宜食者指不足之脾也如脾虛泄瀉之類毋多食者指有餘之脾也如中滿腫脹之類凡用藥者能隨其虛實而變通之雖尋常品味必獲神功苟執而泥之雖有良劑莫展其長故學者以格致爲亟也按棗雖補中然味過於

甘中滿者忌之小兒疳病及齒痛痰熱之人俱不宜食生者尤爲不利紅棗功用相倣差不及耳

芡實

味甘平無毒入脾腎二經

補腎固精而遺濁有賴益脾養氣而泄瀉無虞

稟水土之氣以生獨於脾腎得力小兒不宜多食難消故也

烏梅

味酸平無毒入肺脾二經

定嗽定渴皆由斂肺之勳止血止利盡是固

腸之力清音去痰涎安虬理煩熱蝕惡肉而至速消酒毒以清

神

白梅即霜梅也

牙關緊閉擦齦涎出便能開刀箭傷膚研爛傅

之血卽止

烏梅白梅皆以酸收爲功疽愈後有肉突起烏梅燒傅一日

減半兩日而平真奇方也夫梅生於春曲直作酸病有當發

散者大忌酸收悞食必爲害若過食而齒齲嚼胡桃肉解之

柿

味甘寒無毒入肺脾二經

潤肺止咳嗽清胃理焦煩 乾柿能厚腸而止

洩主反胃與下血 柿霜清心而退熱生津潤肺而化痰止嗽

三者主用大同小異總之肅清上焦火邪兼有益脾之功也

有人三世死於反胃至孫得一方用柿餅同乾飯食之絕不

用水亦勿以他藥雜之旬日而愈 按柿性頗寒肺經無火

及風寒作嗽者冷痢滑洩者忌之與蟹同食令人腹痛作瀉

荔枝

味甘寒無毒

益氣而消食除熱以生津腹滿須用下血宜嘗

同胡桃食能化銅物爲烏有一味爲末能辟蠱毒 按孟詵

云有冷氣人勿食多食令人患脚氣孕婦忌之

枇杷葉

味苦平無毒入肺胃二經刷去背毛

走陽明則止嘔

下氣入太陰則定欬消痰

長於降氣氣降則火清痰順但去毛不淨射入肺中作欬難

療 按胃寒嘔吐及風寒咳嗽者忌之

甘蔗

味甘平無毒入肺胃二經

和中而下逆氣助脾而利大腸

稟地之冲氣故味甘性平甘爲稼穡之化故和中助脾亦能

除熱止渴治噎膈解酒毒按世人誤以蔗爲性熱不知其

其甘寒瀉火王摩詰詩云飽食不須愁內熱大官還有蔗漿

寒蓋詳於本草者耶惟胃寒嘔吐中滿滑瀉者忌之

白沙糖

味甘寒無毒入脾經

生津解渴除咳消痰

紅沙糖功用與白者

相倣和血乃紅者獨長

紅白二種皆蔗汁煎成

多食能損齒生虫作湯下小兒丸散者誤矣中滿者禁用

薤仁

味苦甘平無毒入肝大腸二經香附爲使泡去皮尖炒勿用雙仁者破諸經之血瘀潤大腸

之血燥肌有血凝而燥痒堪除熱入血室而謫言可止

苦重於甘氣薄味厚沉而下降爲陰中之陽苦以推陳甘以

生新故血疾恒需之桃爲五木之精故能辟邪殺鬼亦可殺

重 桃裏是桃實在樹經冬不落者正月採之主辟邪祛祟

按桃仁破血血瘀者相宜若用之不當大傷陰氣

杏仁

味苦甘溫有毒入肺大腸二經惡黃芩黃散上焦之風除

心下之熱利胸中氣逆而喘嗽潤大腸氣閉而難通解錫毒有
效消狗肉如神

杏仁性溫散肺經風寒滯氣殊效 按陰虛咳嗽者忌之雙

仁者能殺人有毒蓋指此耳

梨

味甘酸寒無毒入心肝脾三經外宣風氣內滌狂煩消痰有靈醒酒最驗

人知其清火消痰不知其散風之妙生之可清六腑之熱熱
之可滋五臟之陰 按丹溪云梨者利也流利下行之謂也

脾虛泄瀉者禁之

橄欖

味酸溫甘平清咽喉而止渴厚腸胃而止瀉

消酒解奇
解毒更異

跡其主用約與訶黎勒同誤中河豚毒惟橄欖煮汁可解諸
魚骨鯁嚼橄欖汁嚥之如無以核研末急流水調服亦效
胡桃味甘平無毒入肺腎二經佐補骨而治痿強陰兼胡粉而拔白變黑久
服潤腸胃恒用悅肌膚

三焦者元氣之別使命門者三焦之一原蓋本原一委也命
門指所居之腑而名乃臟精係胞之物三焦指分治之部而
名乃出納熟腐之司一以體名一以用名在兩腎之間上通
心肺爲生命之原和火之主靈樞已詳言而扁鵲不知原委
體用之分以右腎爲命門以三焦爲有名無狀承訛至今莫
能正也胡桃仁頗類其狀而外之皮汁皆黑故入北方通命
門命門既通則三焦利故上通於肺耳一幼兒痰喘五日不
乳其母夢觀音令服人參胡堯湯數口喘卽定明日去胡桃

衣喘復作仍連皮服遂愈蓋皮有歛肺之功也但用一味空

腹時連皮食之最能固精

按肺有痰熱命門火熾者勿服

龍眼

味甘平無毒入心脾二經

補心虛而長智悅胃氣以培脾除健忘與怔

仲能安神而熟寐

不熱不寒和平可貴別名益智者爲其助心生智也歸脾湯

用爲向導者五味入口甘先歸脾也道家用龍眼肉細嚼

餘待滿口津生和津汨汨而嚥此卽服玉泉之法也

山查

味酸平無毒入脾胃二經去核

消肉食之積行乳食之停疝氣爲硃茴香

佐之取效兒枕作痛沙糖調服成功發小兒痘疹理下血腸風

善去腥羶油膩之積與麥芽之消穀積者不同也核主催生

疝氣

按胃中無積及脾虛惡食者忌服

榧子

味甘平無毒入肺經反藜豆

殺百種之蟲手到而痊療五般之痔頻嘗

則愈消穀食而治咳助筋骨而壯陽

東坡詩云驅除三彭重已我心腹疾指其殺重也不問何重但空腹食榧子二十一枚七日而重下輕者兩日卽下矣

按丹溪云榧子肺家果也多食則引火入肺大腸受傷

石榴皮

味酸澀溫無毒入肝脾腎三經

瀉痢久而腸虛崩帶多而欲脫水煎服

而下虵汁點目而止淚

按榴味酸澀故入斷下筋中之劑若服之太早反爲害也

穀部

胡麻

味甘平無毒入肝脾腎三經其色如醬其狀如蠶九蒸晒

養血潤腸燥結焦煩誠易退

補中益氣風淫癰瘰豈難除堅筋骨明耳目輕身不老長肌膚
填髓腦辟穀延年

補陰是其本職又去風者治風先治血血行風自滅也李延

飛云風病人久服步履端正語言不蹇神農收爲上品仙經

載其功能洵奇物也但服之令人腸滑得白朮並行爲勝

麻仁

味甘平無毒入脾胃二經畏牡蠣白薇茯苓絹包置沸湯中至冷取出懸井中一夜勿着水曝乾新瓦上掇去殼

潤五臟通大腸宜風利關節催生療產難

劉完素曰麻仁木穀也而治風同氣相求也陳上良云多食損血脈滑精氣痿陽事婦人多食卽發帶疾以其滑利下行走而不守也

麻油

味甘微寒無毒熟者利大腸下胞衣生者摩瘡腫生禿髮

生者過食能發冷利脾虛作瀉者忌之熬熱不可經宿經宿卽助熱動氣也

飴糖

味甘溫無毒入脾經止嗽化痰千金方每嘉祐效脾虛腹痛建中湯

累奏奇功瘀血熬焦和酒服腸鳴須用水煎嘗

按飴糖雖能補脾潤肺然通用之反能動火生痰凡中滿吐逆酒病牙疳咸忌之腎病尤不可服

黑荳

味甘平無毒入腎經

活血散風除熱解毒能消水腫可稀痘瘡

嬰兒十歲以下者炒荳與猪肉同食壅氣致死十有八九凡服蓖麻子忌炒荳犯之脹死服厚樸者亦忌之最動氣故也赤小荳味甘酸平無毒入心小腸二經利水去虫一味磨吞決效散血排膿研末醋敷神良止渴行津液清氣滯煩蒸通乳汁下胞衣產科要矣除痢疾止嘔吐脾胃宜之

赤荳心之穀也其性下行入陰分進小腸治有形之病消癰散腫雖潰爛幾絕者爲末敷之無不立效按久服赤荳令人枯燥肌瘦身重以其行降令太過也

藜蘆

味甘寒入肝經反

解熱毒而止渴去浮風而潤膚利小便

以治脹厚腸胃以和脾

藁豇屬木通于厥陰解毒之功過于赤豇但功在綠皮若去

殼卽壅氣矣 按胃寒者不宜食

藹豆

味甘溫無毒入脾經去皮炒

補脾胃而止吐瀉療霍亂而清濕熱解諸

毒大良治帶下頗驗

色黃味甘得平中和脾之穀也能化清降濁故有消暑之用

皮如栗色者不可入藥 按傷寒邪熾者禁用

沙豇豉

味甘苦寒無毒入肺脾二經

解肌發汗頭疼與寒熱同除下氣清煩

滿悶與溫症並妙疫氣瘴氣皆可用也痢疾瘧疾無不宜之

豆經蒸腎能升能散得葱則發汗得鹽則止吐得酒則治風

得薤則治痢得蒜則止血炒熱又能止汗亦要藥也造豉法

黑豇一斗六月間水浸一宿蒸熟攤蘆席上微溫蒿覆五六

曰後黃衣遍滿爲度不可太過取晒簌淨水拌得中築實鹽中桑葉蓋厚三寸泥固取出晒半日又入甕如是七次再蒸曝乾按傷寒直中三陰與傳入陰經者勿用熱結煩悶宜下不宜汗亦忌之

麥藥味甘鹹溫無毒入胃經炒黃去芒留芽用熟腐五穀消導而無停運行三焦宣通而不滯療腹鳴與痰飲亦催生而墮胎

古人惟取穠麥爲芽今人多用大麥者非也以穀消穀有類從之義無推蕩之峻胃虛停穀食者宜之然有積化積無積消腎氣墮胎

神麴味甘辛溫無毒入胃經研細炒黃陳久者良健脾消穀食停腹痛無虞下氣行痰泄痢胃翻有藉

五月五日或六月六日以白麴百斤青蒿蒼耳野蓼各取自

然汁六大碗赤小豆杏仁泥各三升以配白虎青龍朱雀玄

武勾陳騰蛇用諸汁和麴荳杏仁布包作餅楮葉包罨如造

醬黃法待生黃衣曝乾收之 按脾陰虛胃火盛者損胎孕

穀芽味甘苦溫無毒消食與麥芽同等溫中乃穀藥偏長

味甘氣和具生花之性故爲消食健脾開胃和中之要藥

酒味苦甘辛熱有毒入肺胃二經通血脈而破結厚腸胃而潤肌宣心氣以忘

憂助胆經以發怒善行藥勢可禦風寒

少飲則和血行氣壯神消愁過飲則損胃耗血生痰動火故

夫沉湎無度醉以爲常者輕則致疾重則亡身此大禹所以

疎儀狄周公所以著酒誥也 燒酒散寒破結損人尤甚

醋味酸溫無毒入肝經燒紅炭而聞氣產婦房中常起死塗癰疽而外治

瘡科方內屢回生消心腹之疼癥積盡破殺魚肉之毒日用恒

宜 藏器曰多食損筋骨損胃損顏色

盟粟殼 味酸溫無毒入腎經水 止瀉痢而收脫肛瀉精氣而

固遺泄却虛癆之嗽攝小便之多

酸收太緊令人嘔逆且堯積滯反成痼疾若醋製而與參朮

同行可無妨食之害 按風寒作嗽瀉痢新起者勿用

菜部

瓜蒂 味苦寒有小毒入胃經 理上脘之疴或水停或食積總堪平治去胸

中之邪或痞鞭或懊憹咸致安寧水泛皮中得吐而痊溼家頭

痛噉鼻而愈

極苦而性上湧能去上焦之病高者因而越之是也 按瓜

蒂最能損胃傷血耗氣奪神上部無實邪者切勿輕投

白芥子 味辛熱無毒入肺經 解肌發汗利氣疎痰溫中而冷滯冰消辟邪

而崇臙遠遁酒服而反胃宜痊醋塗而癰毒可散

痰在脇下及皮裏膜外者非白芥子不能達煎湯不可太熱
便減力量 按肺經有熱陰虛火亢者勿服莖葉動風動氣
有瘡瘍痔疾便血者俱忌

萊菔子

味辛溫無毒

下氣定喘消食除膨生研堪吐風痰醋調腫毒

丹溪云萊菔子治痰有推墻倒壁之功表其性烈也 按虛

弱人服之氣淺難布息

乾薑

味辛熱無毒入肺脾二經

破血消痰腹痛胃潮均可服溫中下氣癥瘕

積脹悉皆除開胃扶脾消食去滯生行則發汗有鹽炮

黑則止血顯驗

乾薑本辛炮之則苦守而不移非若附子行而不止也其止
血者蓋血虛則熱熱則妄行炒黑則能引補血藥入陰分血
得補則陰生熱退且黑爲水色故血不妄行也然血寒者可

多用血熱者不過用三四分爲向導而已 按薑味大辛辛

能僭上亦能散氣走血久服損陰傷目凡陰虛有熱者勿服

生薑

味辛熱無毒入肺胃二經要熱去皮要冷留皮

生能發表熱可溫中開胃有奇功

止嘔爲聖劑氣脹腹疼俱妙痰凝血滯皆良刮下薑皮服家必

凡中風中暑中氣中毒中惡霍亂一切卒暴之症用薑汁和

童便服之薑汁能開痰童便能降火也古方以薑茶治痢熱

痢留皮冷痢去皮大妙

忌服同乾薑

葱白

味辛平入肺胃二經忌棗蜜大雉肉

通中發汗頭疼風溼總蠲除利便開關

脚氣奔豚通解散跌打金瘡出血砂糖研敷氣停蟲積爲殃鉛

粉丸吞專攻喉痺亦可安胎

葱味最辛肺之藥也故解散之用居多 按多食葱令人神

昏髮落虛氣上衝

大蒜

味辛溫有毒入脾胃二經忌蘆

消穀化食辟鬼驅邪破疔癰多功炙惡瘡

必效搗貼胸前痞格資外攻之益研塗足底火熱有下引之奇

大蒜用最多功至捷外塗皮肉發疱作疼則其入腸胃而搜

刮概可見矣

按性熱氣臭凡虛弱有熱之人切勿沾唇卽

宜用者亦勿過用生痰動火損目託血謹之

韭

味辛溫無毒

固精氣煖腰膝強腎之功也止瀉痢散逆冷溫脾之

力歟消一切瘀血療喉間噎氣韭子固精生精助陽止帶

古方用韭專治關血蓋酸入肺辛散溫下也多食神昏目暗

金石部

金箔

味辛平有毒

安鎮靈臺神魂免於飄蕩辟除惡祟臟腑搜其伏

稟西方之質爲五金之主最能制木故中風驚癇皆需之銀

箔功用相倣

按金有大毒磨屑頓服不過三錢而斃豈可

多服平催生者用之

自然銅

味辛平無毒

續筋接骨折傷者依然復舊消瘀破滯疼痛者

倏爾消除

按自然銅雖有神用頗能損人不可過用

銅青

味辛酸無毒

女科理血氣之痛眼科主風熱之疼內科吐風痰

之聚外科止金瘡之血殺蟲有效疳證亦宜

色青入肝專主東方之證然服之損血

黃丹

味辛寒無毒

止痛生肌宜於外敷鎮心安魄可作丸吞下痰殺

蟲截瘧止痢

按黃丹乃炒鉛所作味性沉陰過服損陽氣

密陀僧

味辛平有小毒色如金者良

鎮心主滅癩野五痔金瘡同借重瘡家

痢證其藥求

卽煎銀爐底感銀鉛之氣而成其性重墜故鎮心下痰須水
飛用食之令人寒中

紫石英

味甘溫無毒畏扁莖附子惡黃連火煨醋淬水飛

上通君主鎮方寸之府寧下

達將軍助胎官而有孕

紫石英南方之色故功在血分火熱者忌之

硃砂

味甘寒有毒入心經惡磁石畏鹹水忌一切血水飛

鎮心而定癲狂辟邪而殺鬼崇

解胎熱痘毒療目痛牙疼

色赤應離爲心經主藥獨用多用令人瘰悶水銀卽硃砂之
液殺蟲蝨有功下死胎必用滲入肉內使人筋攣若近男陽
陽痿無氣惟以赤金係患處水銀自出楊梅瘡服輕粉毒潛
骨髓毒發殺輕粉主殺虫生肌

雄黃

味苦平有毒研細水飛

楊梅疔毒疥癬痔瘡遵法搽敷力不少血瘀

風淫鬼于屍疰依方製服郊偏奇化痰涎之積塗蛇虺之傷

獨入厥陰爲諸瘡殺毒之藥亦能化血爲水

石膏

味辛寒無毒入肺胃二經雞子爲使惡莽草巴豆畏鐵

營衛傷於風寒青龍收佐使

之熱相傳因於火熱白虎定爲君之劑頭疼齒痛肌膚熱入胃而搜逐消渴陽狂逆氣起入肺以驅除

氣味俱薄體重而沉少壯火熱之人功如反掌老弱虛寒之人禍不旋踵東垣云立夏前服白虎湯令人小便不禁降令

太過也極能寒胃使人腸滑不能食非有大熱者切勿輕投

滑石

味甘淡寒無毒入胃膀胱二經

利小便行積滯宜九竅之閉通六腑之結

滑石利竅不獨小便也土能利毛竅下能利精竅蓋甘淡先入胃家上輸於肺下通膀胱肺主皮毛爲水上源膀胱司津液氣化則能出故上則發表下則利水爲蕩熱燥濕之劑

按多服使人精滑脾虛下陷者禁之

赤石脂

味酸辛大溫無毒入心胃大腸三經畏芫花惡大黃松脂煨水飛

主生肌長肉可理癰

瘍療崩漏脫肛能除腸癖

按石脂固澁新痢家忌用

爐甘石

味甘溫煨水飛

散風熱而腫消祛痰氣而翳退

金銀之氣所結為眼科要藥

鍾乳石

味甘熱有毒蛇床反人參白朮入銀器煮水減卽添煮三日夜色變黃白

煨紫石英忌羊血

煨水再煮色清不變毒去盡矣水飛過再研半日

益精壯陽下焦之虛弱堪珍止嗽解

渴上部之虛傷宜寶

其氣慄悍令陽氣暴充飲食倍進味者得此肆淫則精竭火

炎發為癰疽淋濁豈鐘乳之罪耶大抵命門火衰者相宜不

爾使有害矣

海石

味鹹平無毒入肺經

清金降火止濁治淋積塊老痰逢便化癭瘤結

核遇旋消

海石乃水沫結成體質輕飄肺之象也氣味鹹寒潤下之用

也故治證如上 按多服損人氣血

陽起石

味鹹溫無毒入腎經蠟蛸爲使惡澤瀉桂雷九固精而

壯元陽益氣而止崩帶

此石產處冬不積雪其熱可知雲頭兩脚鷺鷥毛輕鬆如狼

牙者佳非命門火衰者勿用

磁石

味辛溫無毒入腎經柴胡爲使惡牡治腎虛之恐怯鎮心

藏之怔忡 鎮心益腎故磁硃丸用之可暫用不可久也

青礞石

味鹹平入肝經火煨水飛化頑痰癖結行食積停留

痰見青礞卽化爲水脾虛者大忌

花蕊石

味酸平無毒止吐衄如神消瘀血爲水

血見花蕊石卽化爲水過用損血不可不識

食鹽

味鹹寒無毒入腎經

擦齒而止痛洗目而去風二便閉結納導隨通

心腹煩疼服吐卽愈治痢與辟邪有益痰停與霍亂無妨

潤下作鹹鹹走腎喘嗽水脹消渴大忌食鹽或引痰生或凝

血脉或助水邪多食損顏色傷筋力故西北人不耐鹹少病

多壽東南人嗜鹹少壽多病 青鹽功用相同人肝散風

樸硝

味辛鹹酸寒無毒入胃大腸二經

破血攻痰消食解熱法製立明粉功緩

力稍輕明目清躁推陳致新

樸硝在下最粗而濁芒硝在上其質稍清立明粉再經煎煉

尤爲精粹方士濫誇立明粉却病永年不根之說也若施之

於有虛無火之人及陰毒沉寒之證殺人慘於刀劍矣

蓬砂

味苦辛寒無毒入肺經

退障除皆開腎肉消痰止嗽且生津癥瘕噎

膈俱痿衄家骨硬通宜

性能柔五金則消尅可知但療有餘難醫不足虛癆證非宜

硫黃

味酸大熱有毒入心腎二經畏細辛燒硝鐵醋用藥服衄空入硫合定糖火煨熟紫背浮萍同煮皂角湯淘去黑灰

壯陽堅筋骨陰氣全消殺蟲燥寒濕瘡疔盡掃老年風秘君半

夏而立通泄痢虛寒佐蠟礬而速止艾湯投一七陰毒回春溫

酒送三九沉寒再造

秉純陽之精能補君火可救顛危烏鬚黑髮真可引年然須

製煉得宜淫房斷絕者能之一有不當貽禍匪輕

白礬

味酸澁寒無毒入肺脾二經甘草爲使惡牡蠣麻黃消痰止痢滌熱祛風收脫肛陰

挺理疥癬濕淫

礬之用有四吐風熱痰涎取其酸苦涌洩也諸血脫肛陰挺

瘡瘍取其酸澁而收也治風痰泄痢筋帶取其收而燥濕也

喉痺癰疽蛇傷蠱毒取其解毒也多服傷骨損心肺

土部

伏龍肝

味辛溫無毒

女人崩中帶下丈夫尿血遺精

卽竈心黃土去濕有專長

墨

味辛溫無毒燒紅研細

止血以苦酒送下消癰用猪膽調塗

墨者北方之色血者南方之色止血者火見水而伏也內有

鹿角膠非煨紅不可用

百草霜

辛溫無毒清咽治病解熱定血

黑奴丸用以療陽毒發狂亦從治之義也

人部

髮

味苦溫無毒入心肺腎三經

去瘀血補真陰父髮與雞子同煎免嬰兒驚

悸已髮與川椒共煨令本體烏頭吐血衄紅取效腸風崩帶宜

髮者血之餘也故於血證多功入確中監泥固濟煨存性

牙齒味鹹熱有毒人痘瘡倒靨磨加少許酒調吞癰乳難穿酥

拌貼之旋發潰內托陰疽不起外敷惡漏多膿

齒者骨之餘得陽剛之性痘家劫劑也若伏毒在心昏冒不

省氣虛白瘰癧熱沸紫泡之症宜補虛解毒慢用牙齒者不治

乳味甘平無毒入大補真陰最清煩熱補虛癆潤噎膈大方之

玉液也祛膜赤止淚流眼證之金漿耶

乳乃血化生於脾胃攝於衝任未受孕則下為月水既受孕

則留而養胎產後則變赤為白上為乳汁此造化玄微之妙

却病延年之藥也 按虛寒滑泄之人禁服乳與食同進即

津唾甘平辟邪魔而消腫毒明眼目而悅肌膚

津乃精氣所化五更未語之唾塗腫輒消拭目去障咽入丹

田則因精而制火修養家嚙津謂之清水灌靈根人能終日
不唾收視返聽則精氣常凝容顏不槁若頻唾則損精神成
肺病仙家以干口水成活字嚙津誠不死之方歟

紅鉛

味鹹熱無毒入心肝脾腎四經

坎官一點無端墮落塵寰水裏真金有法

收來接命

蕭子真云一等旁門性好淫強陽復去採他陰口含天癸稱
爲藥似恁淒沮枉用心此言金丹大道惟處極靜篤採先天
祖氣而矣且不着于四大安可求於渣質哉若夫却病延年
未有過於紅鉛者也女子二七天癸至任脉通太衝脉盛月
事以時下謂之天癸乃天一所生之水古人用之療金瘡箭
毒并女勞復皆崇其養陰之力也童女首經尤爲神品女子
自受胎以及長成筭積五千四百之期卽於是日經至更爲

難得回垂絕之陽有奪命之權若三日出庚之時採藥接命
卽楞嚴經所載精仙是也絕非交媾亦非口服故成仙道接
服紅鉛而熱者惟童便乳汁可以解之

人溺味鹹寒無毒入肺胃膀胱三經清天行狂亂解癆弱蒸煩行血而不傷於
峻止血而無患其凝吐衄產家稱要藥損傷跌撲是仙方

經云飲入於胃游溢精氣上輸於脾脾氣散精上歸於肺通
調水道下輸膀胱服小便入胃仍循舊路而出故降火甚速
然須熱飲直氣尙存其行更速鍊成秋石直元之氣漸失不
逮童便多矣 按童便性寒若陽虛無火食不消腸不實者
忌之人中白主治與溺相同兼治口舌瘡

金汁

卽人中黃也味苦寒無毒

止陽毒發狂清痘瘡血熱解百毒有效敷疔

腫無虞

按傷寒非陽明實熱痘瘡非紫黑乾枯均禁

人胞味甘鹹溫無毒入心腎二經米泔洗淨童便浸補心除驚悸滋腎理虛癆

崔氏云胎衣宜藏吉方若爲虫獸所食令兒多病此亦銅山

西崩洛鍾東應之理蒸養而食不顧損人長厚者弗忍聞也

天靈蓋

味鹹平無毒

煎液吞嘗傳屍滅影包藏巔頂瘡鬼潛踪

神農未嘗收載後世每每用之嗟乎獸相食且人惡之而人相食慘惡極矣必不得已或取年深絕屍氣者然亦不可食或包用或煎湯用畢送還原處報之以經懺庶其可也

獸部

龍骨

味甘平無毒入心肝腎三經忌魚及鐵器畏石膏火煉水飛酒煮曝龍精而遺洩能收固腸

而崩淋可止縮小便而止自汗生肌肉而收脫肛

龍在東方之神故其骨多主肝病腎主骨故又益腎也許叔

醫宗必讀

卷四

三

微云肝臟魂能變化魂飛不定者治之以龍齒 按龍骨收

斂太過非久病虛脫者切勿妄投

麝香

味辛溫無毒忌大蒜微研

開竅通經穿筋透骨治驚癇而理客忤殺重

蠱而去風痰辟邪殺鬼催生墮胎蝕潰瘡之膿消瓜果之積

走竄飛揚內透骨髓外徹皮毛東垣云搜骨髓之風風在肌

肉者悞用之反引風入骨丹溪云五臟之風忌用麝香以瀉

衛氣故證屬虛者槩勿施用必不得已亦宜少用癆怯人及

孕婦不宜佩帶

黃牛肉

味甘溫無毒入脾經

補脾開胃益氣調中牛乳有潤腸之美牛喉

有去噎之功

牛爲稼穡之資不輕屠殺市中所貨非老病卽自死者也食之損人丹溪倒倉論曰脾爲倉稟倒倉者推陳致新也停痰

積血發爲癰瘰癧瘰癧瘰癧非丸散所能治用肥嫩牡蠣
牛肉二十觔長流水煮糜漚滓取液熬成琥珀色每飲數大
碗寒月溫而飲之緩飲則下急飲則吐時緩時急且吐且下
吐下後口渴卽服自己小便亦能蕩滌餘垢睡二日乃食粥
調養半日沉疴悉去須五年忌牛肉

牛黃

味苦甘平無毒入心肝二經人參爲使惡龍骨龍膽地黃常山蜚蠊畏牛膝乾漆

清心主之煩熱

狂邪鬼

俱消攝肝臟之魂驚癇健忘同療利痰氣而

無滯入筋骨以搜風

東垣云牛黃入肝治筋中風入臟者用以入骨追風若中腑
中經者誤用之反引風入骨如油入麵莫之能出

阿膠

味酸平無毒入肺肝二經山藥爲使畏大黃拌蛤粉炒

止血今兼能去瘀疎風也又

且補虛西歸金腑化痰止欬除癰痿東走肝垣強筋養血理風
淫安胎始終並用治痢新久皆宜

阿井乃濟水之眼內經以濟水爲天地之肝故入肝治血證
風症如神烏騾皮合北方水色以制熱生風也真者光明脆
徹歷夏不柔僞者反能滯痰不可不辨 按胃弱作嘔吐脾
虛食不消者均忌

熊膽

味苦寒無毒

殺虫治五疳止痢除黃疸去目障至效塗痔瘻如

實熱之證用之咸宜苟涉虛家便當嚴戒

象皮

味酸溫無毒

合金瘡之要藥長肌肉之神丹

以鈎刺插入皮中頃刻瘡收故主用如上

鹿茸

味甘鹹溫無毒入腎經形如茄子健骨而生齒強志而益

氣去肢體酸疼除腰脊軟痛虛癆聖劑崩漏神丹

角

茸生兩月卽成角矣

補腎生精髓強骨壯腰膝止崩中與吐血除腹痛

而安胎

肉溫

補中強五臟通脉益氣力

鹿乃仙獸稟純陽之質含生發之氣其性極淫一牡常御百牝腎氣有餘足於精者也故主用最多專以壯陽道補精髓爲功茸較佳於角肉有益於脾 按上焦有痰熱胃家有火吐血屬陰衰火盛者俱忌 生角消腫毒逐惡血不及膠之用宏也 鹿山獸屬陽夏至解角陰生陽退之象也麋澤獸屬陰冬至解角陽生陰退之象也主用相懸不可不辨

羊肉

味甘溫無毒入脾腎二經反半夏菖蒲忌醋

補中益氣安心止驚宣通風氣起

發毒瘡角堪明目殺蟲肝能清眼去翳腎可助陽脰治翻胃

東垣云補可去弱人參羊肉之類是已凡形氣痿弱虛羸不足者宜之羊血主產後血暈悶絕生飲一杯卽活中砒礪鍾乳礬石丹砂之毒者生飲卽解 按羊食毒草凡瘡家及痼疾者食之卽發宜忌之 脰結成在羊腹中者

狗肉味鹹溫無毒入脾胃二煖腰膝而壯陽道厚腸胃而益氣
力狗寶結成狗腹中者專攻翻胃善理疔疽

屬土性溫故能煖脾脾煖則腎亦旺矣黃犬益脾黑犬補腎
他色者不宜用也內外兩腎俱助陽事尿中粟米起痘治噎

按氣壯多火陽事易舉者忌之妊婦食之令子無聲熱病
後食之殺人道家以犬爲地厭忌食

虎骨味辛溫無毒壯筋骨而痿軟可起搜毒風而寧痛堪除

虎者西方之獸通於金氣風從虎虎嘯而風生故骨可以入
骨而搜風虎膽主翻胃有功虎爪主辟邪殺鬼

犀角味苦酸鹹寒無毒入心胃肝三解煩熱而心驚悸狂邪

都掃散風毒而肝清目昏痰壅借消血衄崩淋投之輒止癰疽
發背用以消除解毒高於甘草祛邪過於牛黃

犀角雖有徹上徹下之功不過散邪清熱涼血解毒而已

按大寒之性非大熱者不敢輕服妊婦多服能消胎氣

羚羊角

味酸寒無毒入肝經

直達東方理熱毒而昏冒無虞專趨血海散

關結而真陰有賴清心明目辟邪定驚淫風痢血宜加用癰瘰癧疽不可無

肝虛而熱者宜之外有二十四節桂瘰肉有天生木胎此角

有神力抵千牛入藥不可單用須不折原對銓細避風搗篩

更研萬匝如飛塵免刮人腸按獨入厥陰能伐生生之氣

獼肝

味甘溫有毒入肝腎二經

鬼疰傳屍慘滅門冰吞殊效疫毒蠱災常遍

戶未服奇靈

葛洪云屍疰鬼疰使人寒熱沉沉默默不知病之所苦而無

處不惡積月累年確磬至死死後傳人乃至滅門惟用獼肝

陰乾爲末水服二錢每日三服以瘥爲度其爪亦搜逐癆蟲
服肺膽味鹹熱無毒入 陰痿精寒瞬息起經年之恙鬼交屍疰
纖微消沉頓之疴

一名海狗腎兩重薄皮裹九核皮上有肉黃毛三莖其一穴
溼潤常如新置睡犬旁驚狂跳躍者真也固精壯陽是其本
功鬼交屍疰蓋陽虛而陰邪侵之陽旺則陰邪自辟耳 按
陽事易舉骨蒸癆嗽之人忌用

猪脊髓味甘平無毒 補虛癆之脊痛益骨體以除蒸心血其硃砂補
心而治驚癇猪肺同薏苡保肺而蠲咳嗽脂本益脾可止瀉而
亦可化癥腎仍歸腎能引導而不能補益

猪水畜也在時屬亥在卦屬坎其肉性寒能生溼痰易招風
熱四蹄治杖瘡下乳汁洗潰瘍膽主傷寒燥熱頭肉生風發

痰腸潤腸去垢腦損男子陽道血能敗血肝大損人腸動冷
氣舌能損心 按猪性陰寒陽事弱者勿食

禽部

鴨味甘鹹平無毒入肺腎二經流行水腑滋陰氣以除蒸闔達金宮化虛痰
而止嗽

類有數種惟毛白而烏嘴鳳頭者爲虛癆聖藥白屬西金黑
歸北水故葛可久治癆有白鳳膏也

烏骨雞味甘鹹平無毒入肺腎二經最辟妖邪安五臟善通小便理煩蒸產

中烝取筋帶多求

雞爲陽禽屬木應風在卦爲巽其色有丹白黃烏之異總不
如白毛烏骨翠耳金胸爲最上乘也雞冠血發痘瘡通乳難
塗口喝肝可起陰治小兒疳積目昏雞屎白惟雄雞利小便

治鼓脹雞子清煩熱止欬逆卵殼主傷寒痰復研復下疳卵
中白皮主久欬氣結肺肉黃皮名雞裏金去煩熱通大小腸
淘鵝油味鹹溫無毒理痺痛癰疽可穿筋透骨

取其脂熬化就以其嗉盛之則不滲漏雖金銀磁玉之器盛
之無不透漏者可見入骨透髓之功然但資外傳不入湯丸
雀卵味酸溫無毒入腎經強陰莖而壯熱補精髓而多男

雀屬陽而性淫故強壯陽事下元有真陽謂之少火天非此
火不能生物人非此火不能有生火衰則陰痿精寒火足則
精旺陽強雀卵之於人大矣雄雀屎名白丁香一頭尖者是
雄兩頭圓者是雌療目痛決癰癰理帶下疝瘕按陰虛火
盛者勿食不可同李食孕婦食之生子多淫服朮人亦忌之
五靈脂味甘溫無毒入肺經止血氣之痛無異手拈行冷滯之

瘵真同仙授

五臟脂乃寒號禽之糞也氣味俱厚獨入厥陰主血生用行
血炒熱止血痛證若因血滯者下咽如神 按性極羶惡脾
胃虛薄者不能勝也

魚部

蜂蜜 味甘平無毒入脾經忌生葱凡蜜一觔入水四兩磁器中煉去沫滴水不散爲度 和百藥而解諸
毒安五臟而補諸虛潤大腸而悅顏色調脾胃而除心煩同薑
汁行初成之痢同薤白塗湯火之瘡

採百花之英合雨露之氣釀成其氣清和其味甘美虛實寒
熱之證無不相宜也 按大腸虛滑者雖熱蜜亦在禁例酸
者食之令人心煩同葱食害人同萵苣食令人利下食蜜飽
後不可食鮮令人暴亡 蠟性瀉止久痢止血生肌定痛火

熱暴痢者忌之

露蜂房

味甘溫有毒惡乾薑丹參黃芩芍藥牡蠣炙

拔疔瘡附骨之根止風虫牙齒

之痛起陰痿而止遺尿洗乳癰而塗癰瘰

蜂房乃黃蜂之窠蜂大房大且露天樹上者爲勝 按其用

以毒攻毒若癰疽潰後禁之

牡蠣

味鹹寒無毒入腎經貝母爲使惡消胸中之煩滿化痰凝

之癰癰固精澁二便止汗免崩淋 按寒者禁與虛熱者宜之

龜甲

味鹹寒有毒入心腎二經惡沙參蜚蠊去肺酥炙

補腎退骨蒸養心增智慧固大

腸而止瀉痢除崩漏而截瘵瘡小兒顙門不合臙瘡朽臭難聞

龜凜北方之氣故有補陰之功若入丸散須研極細恐着人

腸胃變爲瘕也煎成膠良龜鹿皆永年龜首藏向腹能通任

脉取下甲以補腎補血皆陰也鹿鼻反向尾能通督脉取上

角以補火補氣皆陽也 按腎虛而無熱者不用

鼈甲

味鹹寒無毒入肝經惡磐酒浸一宿炙黃

解骨間蒸熱消心腹癥瘕婦人漏下

五色小兒脇下堅疼

肉冷而難消脾虛者大忌

鼈色青主治皆肝證龜色黑主治皆腎證同歸補陰實有分

別龜甲以自散者為佳鼈甲以不經湯煮者為佳

肝無熱者忌之

真珠

味鹹寒無毒入肝經細包入荳腐中煮一香研極細

安魂定悸止渴除蒸收口生肌

點睛退翳

稟大陰之精氣而結故中秋無月則蚌無胎宜其主用多入

陰經 按珠體最堅研如飛麵方用不細傷人臟腑病不由

火熱者忌之

桑螵蛸

味鹹平無毒入腎經畏旋覆花蒸透再焙

起陽事而痿弱何憂益精氣而多男可冀

即螳螂之子必以桑樹上者為佳也一生九十九子用一枚

卽傷百命仁人君子聞之且當慘然況忍食乎

海鯉鮓

味鹹溫無毒入肝經惡白芨白欬附子炙黃

止吐衄腸風澁久虛瀉痢外科

燥膿收水眼科去翳清煩

味鹹入血性澁能收故有軟堅止滑之功

瓦楞子

味鹹平無毒火煨醋淬研

消老痰至效破血癖殊靈

鹹走血而軟堅故主治如上 瓦楞子卽蚌殼

石決明

味鹹平無毒入肝腎二經鹽水煮水飛

內服而障翳潛消外點而赤膜盡

七孔九孔者良十孔者不佳久服令人寒中

蟹

味鹹寒有小毒畏紫蘇大蒜水香忌柿

和經脈而散惡血清熱結而續筋骨合

小兒之顙解漆毒之瘡

爪能墮胎

性寒能發風能薄藥力孕婦食之令兒橫生

蕪州白花蛇

味鹹溫有毒去頭尾酒浸三宿去盡皮骨俱有大毒

主手足癱瘓及肢節軟

瘰癧口眼歪斜及筋脉攣急厲風與破傷同寶急驚與慢驚

其珍

透骨搜風截驚定搐爲風家要藥內達臟腑外徹皮膚無處
不到服者大忌見風產新州者最佳然不可多得龍頭虎口
黑質白花脇有二十四方勝紋腹有念珠班口有四長牙尾
有爪甲長一二分腸如連珠眼光如生產它處者或兩目俱
閉或一開一閉也 按白花蛇性走竄有毒惟真有風者宜
之若類中風屬虛者大忌 烏梢蛇大畧相同但無毒而力
淺色黑如漆尾細有劍脊者良

穿山甲

味鹹寒有毒炙黃

搜風逐痰破血開氣療蟻癭絕靈截瘡疾至

妙治腫毒未成卽消已成卽潰理痛痺在上則升在下則降

穴山而居寓水而食能走竄經絡無處不到達病所成功患
病在某處卽用某處之甲此要訣也性猛不可過服

古名鱗魚甲

白殭蠶

味鹹辛溫無毒入肺脾二經惡桑螵蛸桔梗茯苓

治中

風失音去皮膚風癢化風痰消癰癥拔疔毒滅癰痕

男子陰瘻
女人崩淋

卽蠶之病風者用以治風殆取其氣相感歟

雄蠶娥

味鹹溫有小毒炒去足翅

止血收遺泄強陽益精氣

健於媾精敏於生育祈嗣者宜之

斑貓

味辛寒有毒入肺脾二經畏巴豆丹參破血結而墮胎兒

散癥癖而利水道拔疔疽之惡根下獾犬之惡物中蠱之毒宜

求輕粉之毒亦化

直走精溺之處蝕下敗物痛不可當不宜多用

痛時以木通等導之

蟾酥

味辛溫有毒入胃腎二經發背疔疽五疳羸弱立止牙疼善扶陽事

入外科方有奪命之功然輕用能爛人肌肉

蝦蟇

味辛溫有毒酒浸一宿去皮腸爪炙乾

發時瘡之毒理疳積之疴消獾犬之

毒枯腸痔之根

屬土之精應月魄而性靈異過用發溼助火

水蛭

味鹹苦平入肝經畏石灰鹽炒枯黃

惡血積聚閉結堅牢炒末調吞多效赤

白丹腫癰毒初生竹筒含咽有功

鹹走血苦勝血爲攻血要藥誤吞生者入腹生子嘔血腸痛
瘦黃以田泥調水飲數杯必下也或以牛羊熱血一二杯同
豬脂飲之亦下染鬚藥中能引藥力倒上至根

虻虫

味苦寒有毒入肝經去足翅炒惡麻黃

攻血通行經絡墮胎只在須臾

青色之入肝專吮牛馬之血仲景用以逐血因其性而取用
者也非氣壯之人實有畜血者水蛭虻虫不敢輕與

虻虫

味鹹寒有毒畏皂莢萬滿屋遊

去血積搜剔極周主折傷補接至妙煎含

而木舌旋消水服而乳漿立至

卽地龍更仲景大黃蟻更丸以其有攻堅下血之功

虛人斟酌用之

蝮蛇

味鹹寒無毒去翅足炒

通便而二陰皆利逐水而十種俱平貼痒燥

頗效化骨哽殊靈

蝮蛇白腰以前其涎能止二便自腰以後其利能通二便治

水甚效但其性猛虛人戒之

蟬殼

味鹹寒無毒人肺脾肝三經沸湯洗淨去足翅晒乾

快痘癰之毒宜皮膚之風小兒

驚癇夜啼目疾昏花障翳

感木土之氣吸風飲露其氣清虛故主療皆風熱之恙又治

音聲不响及嬰兒夜啼取其畫鳴夜息之義

按痘疹虛寒證禁服

蟹

味辛平有毒人肝經

善逐肝風深透筋骨中風恒收驚癇亦簡

諸風掉眩皆屬肝木蟹屬木色青獨入厥陰風家要藥全用

謂之全蟹但用尾謂之蟹稍其力尤緊

按似中風小兒慢脾風病屬虛者忌